



08650

梁溪詩鈔目錄卷之三十五

國朝 乾隆二

王大廷尉會汾 一百三十六首

以上一人



梁溪詩鈔

卷三十五 目錄

一

以上一人

王大廷尉會汾 一百三十六首

國朝 乾隆二

梁溪詩鈔目錄卷之三十五

梁溪詩鈔卷三十五

梁溪顧 光旭 華陽氏集

國朝

王大廷尉會汾

字蓀服號晉川丁巳進士選庶常官至吏

兵二部侍郎左遷京堂終大理寺卿先生

沉敏峻潔少刻苦下帷雍正乙卯舉博學

鴻詞丙辰丁巳連捷癸亥 御試翰詹

上親闈卷拔第一擢侍讀學士一歲

三遷不數年荐歷卿貳立 朝審審無所

梁溪詩鈔卷三十五

附麗方 簡佐中樞遇 京察自陳舉侍

講齊召南自代朝野以爲有推賢讓能之

風至以法司清要入直 上書房委蛇退

食學者宗之至今出其門者咸以文行相

高斯其流風餘韻遠矣

寄意六首

小徑向池斜窻光落碧紗水深纔汎鴨柳淺未藏

鴉笑隱嗟嗟玉露寒澹澹花支機消息斷何處覓

靈楂

破得東風恨吹蘭尚未枯月寒憑露浣花嫩着煙

扶都尉鴛鴦句滕王蛺蝶圖併將今夕意稠疊贈
羅敷

舊繡翔鸞翥新圖蹙海濤慢開花對發簾捲燕雙
高幽思傳瑤軫閒情寄綵毫從茲傳樂府誰數鄭

櫻桃

豈易及芳時相看兩不知夜琴泉咽曲朝幌絮微
詩顧兔初生魄春蠶未吐絲無心成弃擲回首是
涼颿

淺碧香成篆微紅酒上潮枇杷當戶熟鸚鵡背人

驕有淚濺花錦無心按玉簫修蛾檐際落清影爲

梁溪詩鈔

卷三十五

二

誰嬌

夢去魂難定書來語易訛只聞鼇帶岫幾見鵲填
河霞爭還留綺簾烘不隱波天花隨眼界一笑對

維摩

桓山有烏

生子哺雛雛成羽翼分飛去一身憔悴

如羈孤周周銜羽蛩負鰥物類因依感倉卒如何

乳鷺恩而不同苦辛歲暮天寒北風惡元雲低垂

雪復作故巢蕩盡隨蓬曉夜哀鳴黃草薄客行

聽此悲中腸援琴寫意拂清商清商調苦不可奏

使我零涕沾衣裳

對酒歌

屨如哀荳，叫霜空。客行歲暮，悲冲冲。主人憐我色，枯槁凋展朱盤，置清醪。且停金叵羅，四座聽我歌。我不能躍馬橫稍，度沙磧得意歸來，列霜戟。又不能結裝遠賈資，錢刀火齊磊落載滿艘。偈仄復偈仄，拔劍擊柱長太息。盛時歡樂豈有極，千百數中未取劫衣冠。舉舉學小孺，顧影凄其少顏色。咄哉棄去非我憂，浮雲白日良悠悠。世間塵觸蝸兩角，古人成毀貉一邱。不見東方先生，貝編齒索米長

梁溪詩鈔

卷三十五

三

安饑欲死，北平猿臂老不侯。殘年射虎尋荒壘，人生不得行胸臆。汗簡書青真戲耳，萬事應輸雙頰紅。得錢宜贍金盤鯉，日暮朔風號怒天上來。天柱凍折扶桑摧，海波僵立寒蟲蠹。魚龍澀縮愁嘲吟，眼前安得突兀萬仞臺。矯首四頤，心神開氣酣舉觴，酹落日六龍顛。轡揚其頰，少年且復縱豪俊。蘭絲纏裏何爲哉，歌成自寫擘欲脫。亟呼剪燭浮深杯，賦

蘭舍人

東周之季何紛拏，山東白骨如亂麻。天弧夜射青

麟死賤賜金虎方磨牙劫韓包周勢未已長平雷
吼馳輕車常山寶符將失守連城白壁還自誇清
河少年氣如虎澠池之瑟不獨鼓銀罍豹血盛淋
漓蠢爾羸戎敢予侮惜哉爾後無遠懷壁歸間道
計已乖九賓緹幕真兒劇馬遷書此尤類俳叢臺
金壁踐沙礫蘭生何不睨柱快一擲嗟哉褐夫硜
硜死懷璧

江陰廻舟憶芳三金佩亦文諸子至衆豈賦
靡靡逐清景迢迢傍隈澳水岸一花明殘陽數峯
綠沙鳥下仍飛漁唱斷還續美人方阻修相思壁
梁溪詩鈔卷三十五

如玉

四

答蒼玉兄弟

海燕棲華幕爰居避韶夏物情諒睽緬至樂豈相
假粲粲當路子熠熠光鞍馬媚好誰能常膏盡華
燈炮憐君好兄弟幽懷爲君寫側聞長安道驅車
塵沒踈高會影華纓而我野人也他年期薄遊蹇
驢敢常跨粗令塵事息還憇粉榆社選勝當溪山
葺屋雜茅瓦蠶織累細君鋤犁行自把蕭晨集親
串扶筇紛沃野時鳥弄清綿花枝出姪姪垂釣復
賦詩覆碁兼把筇逍遙富良覲所保詎乃寡邱樊

闕淳朴末俗無風雅吾言息壤在期爾共融冶俾
出黃龍雙誰其負盟者

歲暮夜作家書畢書尾

錦瑟華年冉冉更男兒安得尚虛名孱顏畧似寒
花瘦客恨都隨細草生山隔舊遊迷短夢海添新
漏費孤檠勞歌欲寫無人和好附雙魚寄弟兄

秋日東楊學誠

虛堂麥秀邊碧幌染晴烟此地一爲別秋懷忽渺
然涼風催度雁細雨亂鳴蟬物色看將暮何當問

草元

梁溪詩鈔卷三十五

五

歲暮書感三首

牢落今如此堂堂歲又徂雲霄雙翼短霜露寸心
枯白髮還登杼青箱可覆瓿迷魂招不得休更說

窮塗

望斷女嬃枯誰傳空外音已傷孤唳鶴復作背巢

禽糠粃頻年窄冰霜卒歲深憑將嗚咽水爲我助

沾襟

應有高堂念云何久不歸甌空新藝菽淚滿舊縫
衣二頃謀良是岐塗望轉違蕭疎憐寸草也擬蒼

春暉

休末谷燕風輕吾言息壤在期爾共融冶俾

古桐行莫文叔索賦

宮中聖人奏雲門楔梓伐竹如雲屯高枝落盡嶧
陽孫君胡偃蹇留芳根結根未得盤峻吐顏色慘
慘無冬春修幹迢亭千尺起旁無附枝中通理不
借培塿勢已高異材自致青雲耳顧予在染姿蕭
如處陰草所託朝陽晞不敢恨枯槁幸因地勢接
得見君懷抱願君葆貞素秉心勿忡忡夔襄一見
尋剪刻生華容清商發姑洗淳韻含黃鐘薦之太
廟和雅樂坐冷海內無疲癯不然偃息春山空幹
排雷雨摩蒼穹千年一來紫鸞鶯節節足足鳴時
梁溪詩鈔卷三十五

六

雍安能摧折半生死委身爨下隨兒童於戲無爲
促刺爨下隨兒童

爲隱園先生題戴笠圖

清水無縱鱗孤雲無健翮獨醒時所忌芳蘭見跡
藉奈何翁抱經世才一生子立多遭廻濁醪脫粟
不滿眼翁笑自喜旁人吟一蓑一笠生涯足欲把
鉏犁老空谷退耕其如力不任寫作新圖曠遐曠
頽然腰脊已龍鍾巉絕須麋尚清肅憶昔紅顏隨
建威青郊走馬蹋芳菲穠逾花艷朝酣酒霹靂弓
開夜打圍西畧秦關東鄭圃吹臺慷慨仍懷古青

蓮不作少陵亡飛藿霜清葉如雨扁舟蹴浪更南
下塘突蛟鼉欲掀舞石城佳麗南朝寺時時月黑
精靈語搜奇剔詭頗恣橫野鳥何心樂罇俎歸來
一徑掩關臥天角飛輪疾於弩買絲何處繡平原
往矣英雄幾黃土南垞閒尋杜老碁酒榼時同阮
咸舉嗚呼丈夫坎壈今猶昔須挽銀河洗肝膈唾
壺塵尾總兒嬉玉具金貂亦無色卽今被褐鬢如
絲醉裏狂歌倒接羅菰川蒼蒼烟水暮拄杖閒行
屢回互癯骨從嘲飯顆山剛腸未許并州鑄每逢
佳日展圖看與我周旋亦云庶頽然一酌暮天昏
梁溪詩鈔卷三十五

七

明朝更覓消愁處

南垞詩爲雲川先生賦

入戶靄新霽草樹光無塵
菖蘭被後徑桃李羅前
軒紛霏數點紅却寄無邊春
鳥下窺枕簟客至同
罍罇時還發孤詠妙義蜚
風幡人生自可爾世上
徒云云
巖壑氣清舉曠望爭岫嶢
涓涓吐新溜冉冉垂春
條烟開繡翎散月白鯨魚
跳伊昔締構初遠意凌
清颺荒翳垂百年芟蕪始
今朝願書巖土石併賀
茲邱遭

地故某氏荒園

梁溪詩鈔卷三十五

頗共阿戎談猶嫌面勢窄當飛百尺樓俯瞰歸鳥
翼龍嵒山氣青泱泱湖光白溪山一輝映風流滿
今昔千春華子岡萬古壤西宅誰爲後來者南垞
杳難卽

雜詩

熒熒三尺光歐冶之所范登山青兕殪涉海長鯨
斬兕吼山石摧鯨分海波滅竒蹤世莫窺修袂君
無慘

離騷二十五響出絲芒裏賈生書萬言滌若雲濤
起人生固多途文字非一軌玉環與飛燕亦各保

梁溪詩鈔

卷三十五

八

厥美

登高無絕陁方深無斷港員缺記靈臺盈虧驗珠
蚌周官朝置鼓漢法吏投鉅適時各有珍誰與矜
強項
夜靜弦古桐清光沉稍稍一彈雉登木再鼓牛鳴
窘箏瑟何太繁郭索亂水礮寥寥絃指意聽者寐
無覺

蒙茸白楊枝春種秋已闌樹桐期百年君計一何
慙上枝棲紫鸞下枝停鸞鸞雲韶凝古音蒼蒼滿
山嶽

絳紗燃蠟懸秋光風露氣入秋堂涼銀雲櫛櫛逗
瑤浦玉鈎浮艷星吐芒誰家女兒結明璫蛛絲瓜
瓣羅酒漿含風細語掩復颺淚絲欲共銀河長王
生用拙不可量葛衣碎斷方常羊喚取麻姑飲東
海夢騎天駟騰天閭天孫慵織奈何許支機石上
秋草黃西遊咸池謁軒皇贈我絲縷五文章竭來
爲舜補袞裳慶雲嗟峨被八荒帝車回轉當中央
羣仙握節朝明堂神臯億里開農桑縹緲雪白穀
滿倉洗兵天漢一侯尉壯士不用悲河梁少婦丁
梁溪詩鈔卷三十五 九

得徐庶常鍾海書

暗蕙葉漸凋跂予勞遠慕故人徐孝穆朱華照綈
素飛沉一以乖瓊蕊何當遇是夕把君書離懷紛
若絮苦言相見稀要我清秋暮秋風日已起歷歷
雁南度心隨揚子潮迎君到瓜步

八月十五夜金匄南席上作

酒中喚雲天不開愁霖十日萬壑霾常恐連陰晦

茲夕騰牋上訴天無階飛廉試手卷空碧古鏡蝕
土重磨揩一生對此幾圓缺踟躕欲酌還停杯翻
思昨歲秦淮裏淥波雙漿窮沿洄嘈嘈弦索響哀
玉隔簾淺笑紅玫瑰妙舞妍歌歡未足放舟直刺
雲濤堆江心磯石立積鐵軻哦大扁攢高桅我呼
斗酒酌江色一徑險滑捫蒼厓暗潮生渚盪寒白
劉天石壁高崑崙山空月墮人語響野鷗驚起寒
毳毳大魚奔竄老蛟立之而鱗爪生風雷江山氣
象入樽俎客意肯隨吟燭灰今年此夕復此月奇
遊莊觀何寥哉因君靜夜置清醪令我矯首生遠
梁溪詩鈔卷三十五

十

懷長纓君自慕終賈坐嘯我亦輕王裴萬事及時
乃爲樂盛顏一去無自媒明朝縱便清光發非復
好女臨粧臺把君之袂飲君酒不見古人白骨生
青苔幸吾與子氣方壯狂歌痛飲相喧噓庶幾陶
寫中心哀酒闌燈地各歸去黃雞催曉聲啾啾

桃樹吟

美人手栽桃樹枝丰茸常得三春姿露華照夜光
蕤蕤秋風結子仍纍纍根甜未慣蓼蟲齧葉嫩不
供秋土悲井闌雙桐半黃落空有高節無華滋

桃膠迎夏琥珀光桃花逆條春晝長勻鬢噴面作

光澤美人起舞回青揚
礪山有樹扶桑北一枝
婀娜梢雲碧茂陵區區種不得
空來盤裏看桃核

黃金臺風想燕昭市駿足
突兀金臺高臺高黃金盡賢者何寥
寥淘河嚇飛燕丹鳳凌九霄
豈聞唐虞世白璧招夔臯

由秦餘嶺大石寺抵嚙山憇道士館

秦餘卽卑猶山

見越絕書

高巖開窈窕躡屐意何如
笠澤魚龍氣琳宮鸞鶴書
語荒徵越絕地廻號秦餘
叱犢霜毛叟猶能說

梁溪詩鈔卷三十五

十一

閩閩

還邀二三子挈榼欵荆扉
霽野鳥相命青林花半稀
稠空樵響發湍急雨餘飛
却羨華陽隱頻年杜

德機

水仙花三絕句

簾額微波幽意通
曉寒初落迴庭風
玉容翠袖金

條脫可憶人間許
侍中高臺高黃金盡賢者何寥

欲寫屏風倩周昉
誰能製賦敵黃初
鬧紅艷紫皆

泥土似爾堪攜讀道書

奩開玉鏡細安黃
仙子迎春耐薄粧
一晌自嫌環

珮冷聽風聽水作霓裳

吳半樓先生

竅木無和聲哀絛錯宮徵崇山條已頽洩雲遠千里嗚呼杜先生千秋一知已蒙年始羈卅下里狂生耳孤根易疵賤觸處成癡痕一登君子堂從橫覲文史暄風盪寒薄清露滋蘭芷欲令脫菹雜擗翅摩天起廻薄廿年心從此長已矣浮生有急瀾宦途無逸軌長安富輪蹄道義薄于紙常恐蕭蘭易永爲知己累巫咸不可問悲思纏心髓羯末舊聯行况是瓊枝菱霜悽哀析沉淚盡寒鐙死歸夢梁溪詩鈔卷三十五

三

一遭廻翻飛隔江水

飲丁香花下次胡三稚威韻

亂點醅酥簇小鈴紫絲裁障坐來清繁香滿院人初醉春恨三分畫不成帶霧未妨簾影細含風微透蠟烟輕南朝樂府誰家唱請說銅鑪本姓丁莫將晚晚惜年光飲興須隨玉漏長冶葉倡條春且住倒冠落佩我能狂當筵淺暈輕霞色密坐微聞墮珥香數子新篇琢花骨玉璫稱重寄吳娘

鮫人歌

鮫人織綃冰底居一綃價值傾名都奉君清暑晚

涼殿旁列大貝兼明珠穹龜巨魚牙甲橫鮫人嬉
笑居人病誰能謁帝澄濤波三山雲闕方嵯峨

春眠

柳眼花鬚曉夜顛烏皮塵几故依然閒身且適飛
沉樂會意休論大小年境入無何便堪隱障空煩
惱勝於禪邇來微覺心情熟不夢釣天夢葛天

春寒

畫雉城南草欲嬌可堪涼吹晚騷騷東君力弱渾
無準北地寒深轉劇麈銀蒜雙垂紅綬帶春葱半
澀紫檀槽遙知小閣裁衣夜念遠頻應放剪刀

梁溪詩鈔

卷二十五

七

虛堂

虛堂足清迥披幌倚南端遠興幾曾動芳華
闌烟橫高鳥逝風駛晚花乾生理何工拙牢愁且
自寬

感興

織綺豈爲重暄風當此辰時哉苟有會狐白非所
珍志士懷宛變窮年自逡巡安知夸毗者唾若灰
與塵是非吾欲默營道各異倫古賢恥已遠懷思
盈千春

飲牛清潁口苦被洗耳侵妙理絕卷舒天光迴沉

沉下土晚聞道高語羨皇心寧知臥雲客窅默閒
重襟元和一分磔淹忽趣荒淫君聽古鄭衛何如
今雅琴

散愁

曉簾串斷聲窸窣黃桑二夜風杪曼忒飢索句影
蕭蕭借馬朝天泥搯搯人生寒窘無處無莫教孤
負承明盧酌奉蘭陔一杯水歸及湖風開芡芡

新秋夕望

漁陽秋色莽蒼間大漠層陰入漢關龍腕翠屏三

百里戍樓孤絕鳥飛還

梁溪詩鈔

卷三十五

十四

水漲渾河萬馬驕濕雲淪淪未全消翻思盤稍陰
山積一點紅旗掣皂雕

秋夜獨坐用長安雨洗新秋出爲韻貽兄弟

白露下庭樹空堂生早涼飄飄葛衣碎闔澹槐花
香蠹蠹感時運遲遲沂歸艍南陔亦有蘭東榮亦
有棠寸祿未及親別來三載強我懷如絲葛裊裊

風中長

風長轉哀柝客睡何由安潛替洩幽草破月飛霜
紈夜分羣物肅坐覺衣裳單昔怪秋士悲今乃知
其端澗松無高柯淺水無長瀾請君苦寒奏和我

行路難

路難且勿悲在昔足屯窶汎舟當泛海縛禽須縛
虎力戰冰雪頑氣吞鯨鯨怒與世無纖染蹋地有
千古秋空激長嘯拉雜走風雨不見女牀鳥自呼
還自舞
呼舞愛者誰論交祇兄弟阿兄氣犖硤律身富根
祇余季頗跌宕近亦耽文史明發念先人温克勵
終始慕羶時俗態及爾同湔洗浩浩長江流秋光
散清泚

江流歸巨海空濶靡涯津孤英屬狂飈翠彩何由
梁溪詩鈔

卷三十五

五

新松骨有直稿鶴吭無哀呻豈伊神明遊而遑羞
賤貧大儒工臚傳死灰安足論且挽桃枝弓射鴨
從南隣

南鄰亦幽靚開軒面良疇想見青竹枝修纖滿牆
頭蠟屐自吹火牽葦或隱舟一別如波濤數子好
在不軫隱話鄉曲灑落當清秋回飈吒叢篁明河

澹幽幽

河聲日環迴秋氣轉僚慄辭巢社燕歸排叢露螢
出瓊宦今奚如遭逢古難必一聽南雁翔思歸真
日日高堂奉卮酒左右彈瑤瑟懷哉重懷哉故山

好芝林

感懷

脫葉塵風作響龕
酣歌燕市未全孤
解纜肯顧草中兔
仰秣空憐轅下駒
牢落乾坤雙鬢在
崢嶸時節跳丸徂
欲尋一餉微茫樂
何處兵家有酒壚

次南華前輩韻

閒倚東風感歲華
蕭閒情緒乍離家
朝來玉瓮浮新酎
昨夜銀缸綴小花
庭樹丰茸行破蕾
渚蘆暄暖欲抽芽
畫圖何限江南意
香霧連空酒旆斜

南華

暨晴川禮部皆作花朝圖

梁溪詩鈔

卷三十五

六

窻網

窻網千絲絡夜光
交飛元燕舞瑤筐
三年雨暗青楓浦
一夕烟空屬玉塘
紈扇秋涼憐鬢影
魂砧宵露染衣香
層臺悵望多歸翼
誰定銜辭附翠璫

春分日作

探春春已半
春事尚眇騰蕭蕭
穿窻雪皚皚圍爐
火沙叢萼芽短城
柳烟姿鎖有如難
嫁女半生閒婀娜
暗鏡理殘粧未易
一笑嗟余生况羈
屑心形自相左
蜨夢空悠揚
蛹絲竟纏裏
欲乘元化舟
早鼓青真柁
長江變醞醖
岳樽揭礪柯
敲折羲和鞭

朱光懸帖受六龍無苦辛持觴各駭駭良辰勞脊
懷去矣離弦筇

朱光草蟲同年何克思索題

油窻日暖殘霞烘飛絲落絮春濛濛起摩倦眼潑
茶乳神輿尻馬遊無窮鯤鵬么麼一氣中人問日
目天池風且隨羣動自翺躍安用結束誇兒童君
不見古來文物埽絕踪長安畫史多傭工更無弓
刀鬪褒鄂祇吮鉛粉摹安豐貂蟬插髻有何好意
思蕭索如枯蓬不如朱光畫草蟲手腕所到天機
融荒寒意態入毫楮碧花翠蔓懸秋紅恍然坐我
梁溪詩鈔卷三十五 七

故山裏草根露濕吟秋蛩開圖索句無怱怱甕天
發覆難爲功人生磊落自可耳不差爾雅箋魚蟲

雷孝子詩

名汝器弱冠尋父崎嶇萬里閱廿
年卒奉父以歸鄉人欲上其行事

堅拒
乃已

共有庭闈樂何寧獨爾慳殘年餘顧慕往事劇辛
艱芒屨關河澀駝裘血淚斑扶攜舊鄰里驚訝次

宗還

仁鷲同天性何緣絕等夷史臣傳孝義民俗乃逾
衰長者懷深慮捫心無愧詞祇應徵束皙爲補白

華詩

事自良鄉南至平原經塗數百里皆陷積水中
西流天深處幾沒腰淺亦沒骭及踝紆迴取途自
雞鳴起至昏黑行不盡三舍因念京畿孔
道節使踵至商旅駢闐若沿水淺處砍柳
枝覆以尺土狹纔通馬卽往來無濡足憂
矣牧令高居堂堂曾莫訾省昔之營塘濶
陂堰俾旱澇不爲民病者獨何人哉感而
賦詩用告當事亦古王官揮志以諷諸侯
之意云

梁溪詩鈔卷三十五

支

鳧蚢影常時聚蛙聲一倍羸居人牽舴艋騎士澀
錕鍔容容投雙骭鳩工但十夫行旌念勞止令尹
得知無渠堰留循蹟陂塘起霸圖北魏金遼時大
修水利今燕齊
間塘濶遺蹟
往往尚存更能安可少懷古一長吁

渡河二首

中夜驚濤吼凌晨鼓勇杭風雲時莽蕩沙鳥絕呼
翔南下千檣側西來萬馬狂袖中膠一寸不療此
渾黃
河流天下險南北幾濇淪三策虛千載元豐失權
津建瓴真得勢沉玉愴無因亦擬探湜涘羸未

敢論

閩江懷賢詩

閩江吳卜臣先生薦學純行生平不喜剽宋儒
語以取儕譽故當世莫知之老於諸生充然自
得有漢黃叔度龐德公之風焉感逝懷賢因有
此作

異時高論沸蜩螗獨有先生解括囊春雨濯畦行
兀兀秋陂垂釣意洋洋山中風月歸元度陌上軒
裘愧子將學道此生雖已晚欲披原草問諸郎

舟抵洛社先遣一僕歸問太夫人起居書此

梁溪詩鈔

卷二十五

五

貽衛瞻弟

酒滑泉香飯有魚芙蓉湖畔卸帆初應憐久客難
休沐豈不懷歸畏簡書報國文章慙嵬瑣關心眠
食定何如風高翔雁南來日好共連牀慰索居
大亦將以九月抵家

上方山詩

山舊有五郎祠其鬼淫虐吳氓之愚者謹事之
湯潛菴先生撫吳日親詣此山仆其像投燼湖
中民惑稍解近頗聞復有祀者心用閔然爲道
湯公事以諗邦伯

葑溪走笠澤支港百重繞風土號清美窮年無旱
潦霜苞洞庭橘香箸滬谿醪水豐菱蓮芡陸有秬
稌稻居人厭魚菽禮賂陋榛蓀西南峰伍伍蒼崖
映白鳥東上曰上方雲水相媚好叢祠起何年五
郎娟且狡饕淫迨子女牲幣走翁媪常時度絲管
夜火照林杪巫覡憑其奸紛紛遞昏曉或云洪武
初禡師親醮禱血食許恣竊誓說久相勦得非中
葉後士氣競嫖嫖政頗苛惡作人餒淫昏飽英英
睢陽公直氣排秋昊羣妖悉破碎義烈日杲杲男
耕女織絀少壯無瘡天邦人爭涕洟微管幾蠻獠
梁溪詩鈔卷三十五 三

迨公騎箕去理行尚端好後三十年來巫風進稍
稍念此心煩紆負痛若疽癩我欲呵雷公徑須煩
電掃作詩諭邗伯俗化事無小從令泥在鈞示民
期不佻聰明歸正直夷愉絕驚擾用心功過外昔
賢行可紹朱墨徒紛拏吏能安足了

泊吳江

浙藩遣府照磨朱衣客來迎
憶甲子秋來迎者亦此人

垂虹亭畔水浮天芳杜香中看采蓮半落眉痕青
嶂杳平分鷗夢碧波圓吏迎慣遇朱衣客風便應
招綠隴仙試日尚賒吾稍駐不須吹角送行船

黃江涇

明嘉靖中張尚
書經破倭處

黃江涇水青錯磨此地曾遭海夷沅佞臣視師一
再三責賄千艘焚百馱徵兵百萬寇轉強粵閩風
濤久顛簸趙文華事
具明史桓桓仗鉞張尚書半年盪寇

人爭賀捷書昨夜奏烟霄明日厨車東市過可憐

枉說白浮鳩不惜長城手自破盛朝德化覃海壖

海波鏡淨無戈鋌種桑已見十圍大秧稻平看萬

頃連越綾吳縞被天下花新鳥活雲霞鮮斫鱸行

歌烟漠漠采菱發唱宵娟娟擔夫脫帽水玉潔游

女縮髻陵苕妍豈知祖宗聖功德簫勺羣慝敷

春暄秀眉父老但把酒官倉輸足常晏眠更願邦

梁溪詩鈔卷三十五 三

人謹樽節舟車資蓄隨所便長官清平不苛暴中

和樂職勤播宣渠須鶴膝亦時肄小苾為誦莽蠡

篇

鹿鳴宴坐上作仁和周君天相康熙丁卯舉
人今年八十援前代故事同

諸貢士
入宴

桂花涵白菊初黃盛事賓筵見未嘗拭玉兩行周

選俊衰衣一老魯靈光作人化久綿寰宇殖物功

深紀會昌欲採笙詩補皇雅聖文天子壽無疆

喜杭莖浦見訪

水脫空山風怒號歸心何處寄滔滔經時未訪西

冷艷一笑欣攜北郭騷閒裏篇章濃圃酒人間得
喪細於毛不辭絳蠟燒長夜三載思君夢寐勞

諸游好餞送濠湖宵分至望亭始別

親老仍羈宦遲廻去住妨淚從衣線密愁向帶圍
量何計尋初服相將泛野航乍歸真似客惜別緩
行觴語罷花摧蠟天寒雁叫霜樽前萬重思併覺
此宵長

早春書懷

繞指能消百鍊剛摧頽何處說行藏尋山古有陶

宏景

宏景尋山志見本集

論舊今無盛孝章已辦鬢鬚磨歲

梁溪詩鈔

卷三十五

三

月不禁皮骨敵風霜官閒署冷吾差樂到眼春光
引興長

未成放曠慙中隱聊復優閒得小休漲綠林巒空
夢想輒紅塵土且勾留騫騰莫羨穿雲鵲眩轉甘
同旋磨牛虛沐恩光無補報敢將歸計問菟裘

漢臯曲

妾家漢江口高甍凌曉霞褰帷一流睇羞落庭中
花可憐嬌昔昔繡帳懸珠蛤下牀理雲鬢登牀捉
花鑷生憎大別山歡去幾時還巴東浮牒子十幅
蒲彎環夜風江浪湧的的雲帆動樂莫樂今宵銀

箏唱羅嘖

暮從密縣馳至嵩岳下闕一宿被命先行
四山廻望合百里共氛氲紅樹緣坡轉蒼崖到澗
分村遙微辨火岳近易生雲明發瞻天仗行穿
萬馬羣昔與高琳亦未交與與靈會臨持
翠輦依嵩駐星槎轉漢來周廬環褒鄂橐筆擁鄒
枚旅色羣公問歸期詔命催好峯瞻六六策蹇
笑空回

榮澤廢城望廣武北邙作重更

梁溪詩鈔卷三十五

三

峩峩修坂壓河壩辰辰霜颺急遠天斷岸墨痕初
過燒空城沙色雜生烟英雄豎子俱無賴新鬼陳
人總可憐誰喚山松歌一曲不須重取鬪體鞭

楊林邑同年

潮觀

貽翠石筆洗一枚卽林慮

產也小詩奉酬并以爲別

故人能好事遠致碧琅玕一掌開生翠千巖送曉
寒蒨宜彤管映高稱石牀安興與煙霞會題詩洗
我酸

磨礪他日意共保歲寒姿物力今彫喪官箴爾謹
持斷山徒有骨卷地更無皮苦語臨分出高賢倘
不訾

癸酉歲暮病起書懷
望雲心事幾年勞得賦歸來荷
帝堯未辦大名垂日月要令逸氣上烟霄游麋臺榭傾三楚鬪
鴨才華擅六朝誰共寓公文字飲抽毫花底興還

饒

鰥鰥離緒夜何其錦瑟華年暗裏推茗椀爐薰誰
管領書籤藥裏自支持劉郎前度花成雪潘令他

時鬢已絲欲劈蠻牋書寄遠水河雙鯉上來遲
都無錄事草堂貴拳跼何嫌寄一枝

時僑寓吳門之碧城坊

抱甕澆花添僕課明鐙散帙任兒爲簾前艷雪春

梁溪詩鈔

卷三十五

三

先到身外浮雲事不知猶恐將迎煩日力淨名經

卷幾時持

獵獵狂飈攪遠林時時振觸一長吟何曾禡父能

懷玉祇有中郎解摸金紹古誰專千載樂著書慙
負九州箴小樓簷畔松堪對自結蕭條歲暮心

玉甕歌應制

上命刻石承光殿中

承光深殿東風午玉甕浮光暗香吐竒姿留得自

金元珍重摩挲物華古誰向天邊割紫雲帶將飛
雪琢風斤剗中詎比膨脝鼎照座旋生匝匠紋碧

海滄波看欲動朱鱗錦貝飛相送妙手鑄鏡神鬼

工寶器崢嶸瑚璉重當年仙島憶瓊華何事攜來
羽客家一夢月明沉桂館幾番秋綠換苔花寶氣
由來終莫掩還歸天上依雕檻拂拭恩承歲月
長詠歌麗灑雲霞染自昔遭逢會有時窺今千載
盛光輝侍臣更識求賢意側席遙開白玉扉

橫塘路

疎林明遠渚宿鷺靜娟娟是處遺丹竈地有麻姑仙蹟何

山好墓田原鶴多難日病馬迫衰年貫盡橫塘酒
中宵祇自憐

雨泊橫山山上多堆阜相傳吳時屯卒處上方東嶺有吳王拜郊臺云

梁溪詩鈔卷三十五

風緊雲濤正作堆忽聞涼雨壓輕埃帆從社酒香

中度人向吳山橫處來組甲團花空列戍荒榛白
月上郊臺可憐伍相浮江後寂寞千秋少霸才

虞山展先高祖墓述德感懷賦長律三十韻

海虞吾故里攸芋百年強澆運逢明季當塗屬太

康三靈違帖泰四字浩披攘始自鯨吹沫終然蟻

決防圍屢隳一炬圖籍盡三倉險脫城濠血驚攜

稚口黃闔門寒凜凜垌野走徭倭明季遭倭寇故宅盡燬高叔祖

母產未狹旬中宵挾刃從水鎮撫時羈宦端憂戒

否臧拊膺徒蘊義被肘却乖方欲具千夫膳俄崩

萬里牆及瓜時未可毀卵禍難量先高祖鎮撫公時以偏師游徼

蕭門糧餉乏絕屢建讜言主帥不能用以憤恚卒 仁孝鍾良嗣神明翊遠

將崎嶇歸旅櫬沾灑上崇岡先曾祖誠齋公年十五六奔馳數千里攜

喪以歸塋虞山東草草治榛蒯悵悵脩亭嘗窺身

從鄒說述德滿縑緗曾祖以家業盡毀遂依婦翁蔡居鸞湖因世為錫人節

有經時見公宜五世昌楚邱勤樹梓畏壘習庚柔

俗以儒為戲吾寧禮作坊永懷栢棧澤綿歷歲年

長樓閣綠城路楓柵纈眼粧天然金粉盡不斷翠

屏張石氣迎霜肅林花泣雨香寺應窺堯率臺或

訪蕭梁山北有維摩三峯破山諸寺城中有昭明太子文選臺人物風華首

梁溪詩鈔卷三十五 美

湖山麗景傍猶餘舊親申能憶古冠裳小子真無

似先疇耿未忘萍蓬慙定所粉檜不依行倒橐看

垂整團焦計復荒買鄰遲慧斐贈玖愧江郎江秀才秀

庭枉贈長句促家世無窮感那禁涕泗滂

由大石寺登陽山絕頂

到此應知萬壑低劃開昏曉是東西平攜日月垂

雙珥俯瞰嶽崿共一蹄陟殿舊曾悲野鹿山東面有吳王

墳傍多臺甕天何處舞醯鷄陰崖直下編茅屋投

殿遺趾 老還思數杖藜

岬嶧山 卽獅山

吳山靜若輕雲委，岵岵一峯獨竒詭。豎毛鬃髻髮，披靡怒猊瞪空絕。相似傳言禹昔跡，疆理鐵綆千

尋掣東海。

吳志云爾

洪濤揚波汨，其跡徑須龍伯操。鞭

箠騰凌絕壑幾千里，態雖雄強意帖弭。駿烏走兔

各循軌，遂令海寓忘昏徙。此物何能與洪水，欲叅

龍威。卬厥指，又聞達官厭魄礪。命工揮斤馘左耳，

碧空一吼怖竒鬼。天星迸落靡草死。

康熙中巡撫某欲鑿此山

斤始下卽大吼一日夜因懼而止

毳山一綫縈東趾，團團不高復

不庫。四山環之莫履尾，異軍蒼頭真特起。茫然爲

想開闢始，電斧雲斤萬靈使。林風忽來雨如洗，雙

梁溪詩鈔

卷三十五

三

虹跨脊飲前，沚勝遊絕境。有如此歸途，萬頃琉璃

紫

由董家河踰伏馬嶺遊臥龍山

東風雙泮急，縱棹水雲寬。石到湖濶立，崖從鳥背

看一門通。箭括十里宛，龍蟠清絕松篁地。何人賦

考槃

乙亥首春偕鄭雲士劉守溪重登樂阜尖賦

長律紀事

喧喧輿馬競芳辰，兀坐枯禪意未伸。窮巷短扉誰

剝啄，雨衫風帽客逡巡。新知喜接劉長稚，舊友兼

來鄭子真青鬢廿年俱老大黃鷄一曲重酸辛鑿

楹書在君能讀聖鼻人亡義未淪雲士尊甫吾山先生博洽多通

精堪興家言與先公家相契厚俗士眼寧窺地絡兩公才可狂飈

輪相期笠澤西南路徧學吳郊浩蕩春便掛鳴夸

從稚子早排鷓首款湖濬烟巒糾錯縈洲渚向背

分明識主賓興劇不嫌風棹駛涼深微覺玉膚皴

村沾辣比篩椒屑野茵甘如嚙女脣曲港夜聽蘆

屑瑟叢祠朝看柏鞞困司徒廟古柏四株極怪偉修蛇徑轉朱

華窄伏馬峯開繡障勺朱華伏馬皆嶺名雙甯自知還健

在孤筇未許鎮相親穿林厲澗都忘返孽脈分枝

梁溪詩鈔卷三十五 庚

得細論但擬一坏安斧鬣底須高塚卧麒麟竿絲

拂水懷前約花片勾人有夙因暗川在公釣魚及武陵花源事明

照子能區玉石不貪吾亦識金銀恒沙劫盡應通

筏海嶠帆遲罕逮津銅井銅阮皆秀發山南山北

並清醇松岡斷處波銜映梅萼芳時雪作裯崦外

芽茨真罨畫雲中紺宇幾由旬琅玕芝草常時見

盧橘楊梅詎是珍信有衆香成國土那無高士聚

比鄰騰身暗覺龍髻動半嶺遙聞鳳吹新天上種

榆星厯厯月中斫桂子詵詵山岵此日驚攜屨好

事他年說墊巾歸路正逢雲結絮重遊倘及杏生

仁破除萬事尋巖叟料檢孤航逐野人
翠巖銀濤雙滄路心期已與白鷗馴

丁丑初冬入山展墓信宿言旋作詩六章畧
紀年來經營始末書示子姪

昔我初入山歲陰在闍茂時維春夏交
繅草不可耨扶攜有兒子芒躋藁先後
高躋上嶽崆遠盼勞頸脰四圍青瑛環
白水縈篆籀嬰鳥時一鳴靈芝燦孤秀
深林曠無人疑若神所囿西窮澗水涯
茅茨隱巖岫瀕湖衆嶺蟠郁淑氣交
轉惜無用綺賢孤此地方厚蠢蠢蕃
草木果庶但紛糅悵望千載梁溪詩鈔
卷三十五 三五

前我懷殊恟恟

考卜有慈訓面南擇其良平壤懼耕犁悠悠陟崇

岡警穴必依山南向太夫人志也崇岡亦何有
豁脅非雄強鳥鼠

或相卽牝牡乖厥常青鳥古有云覩縷難具詳
楊曾已曼衍後來况多方吾非斯人徒要自神理
臧體魄一以安卽遠義亦章茲山曠延奧誅若
臨堂皇瘠非華要覲遠無城郭妨朝從季主占
厥上包玉璜懷哉任公子高義不可忘

妍媸無定鑒神理善韜伏茲山遠古來塋者盈千
族云胡數弓地畚鍤未敢觸磊砢石四周固護得

深櫃人嘗我獨收衆笑或以目甫竈佳壤見璘斌
滿膏馥丑牛雞喔咿朱光炯林麓湖山蘊深秀景
氣倍清淑豈伊謫劣能慶自先人蓄生非上皇代
封樹固從俗鬱鬱栽萬松清風滿崖谷從茲樂阜
汗應式往來躅

東望烟際嶺西瞻澗上山晴湖三百里遠眺極銅

官清秋躡璿柄脚底雲濤翻

斗柄渚三面入湖人言是吳中山初起處

杖藜或蕭寺幙被卽遠村釋子多問訊吾宗致寒
暄依依雲外情落落區中緣山椒五畝地意待誅

榛菅豈惟傍先墓歲時土盤殮路因白水隔屋借

梁溪詩鈔

卷三十五

三

青山環獨延太古色高擥羲皇前丙舍未及營抱

意恒惛惛歎息願兒子何時謝牽攀

伯季先我亡我生復餘幾邱墓託山岡感念同懷

子樂阜西麓西有峯崢然起購地五畝寬荷鍾自

鋤理日月獲其良祖載材亦比周官族塋法澆季

適紛詭準古復慮今藏魄要相邇我後賢與愚非

我智所擬愛摯往來頻親祖或緣禰古人三五義

式訓亦如此吾兄况孔懷明發念勞止懸知千載

後墳樹盡東靡

余爲兄弟別營穴于樂阜之西半里而近

夙昔秉微尚山棲離垢氛懷此二十載卒被世網

牽拙訥謝時譽上孤
明主恩中違慈母養於
心實嗷嗷惻愴生平事茲辰難具言淨榮如露草
達士念本根况我早衰人素髮颺已簪行止無固
必素懷默自敦買山幸有邱歸耕豈俟田欲廻晚
暮光拭此積歲愆徘徊顧松檟有淚如迸泉旌心
指湖水慈意我勿諼

初冬將北上伏謁先塋泣然成詠

荒荒斜日映寒林淒斷殘年顧慕心淚灑靈輻纔
幾日岡連宰樹已成陰自緣和氏能輸璞耻與東
鄰競布金才拙正堪諧鹿豕恩深未忍謝纓簪
梁溪詩鈔卷二十五
空帷遡影憐猶昔佳節提壺感自今嗚咽澗泉交
暗溜蕭條風木遽哀吟霜零後夜天應老雁落危
坡響易沉婚宦半生駒過隙蒿莪終古涕盈襟遲
廻徧躅依堦石憐慄非關遠巷砧多愧山人陳與
李首邱長得俯雲岑

陽山祖塋後舊有大慈寺今廢爲墟荒基十

餘畝寺僧售諸富室余爲捐金贖還歲荒
僧散畀山氓墾植以供官賦山中人喜余
之不私余亦樂此地之永存也爲賦詩以

大慈寺古肇有元昔見喬木高叅天比隣龍塢面
陽抱崇山岷嶻川廻旋曉暵遲遲嵐翠合夜梵隱
隱星光懸比來山村苦蕭索僧徒竄走如雲烟歎
紅曲檻翳黃葉方花古礎埋幽菅病維摩詰慘愁
思時有野鵲巢其顛百年興廢亦常事獨令我輩
懷辛酸猶餘荒基勢隱軫誰何庸妄頻闕觀巧侵
豪奪靡不有山僧弃此如遺筌先塋舊資清樾映
忍看碧海成枯田典衣爲辦金數餅折券留得茅
三間瓜疇芋區紛在眼柔條種秫堪窮年春冬差
能了租賦里舍不復愁敲鞭遺弓正使楚人得襲

梁溪詩鈔

卷三十五

三

玉未許強秦干栽松一稜清吹起補籬四面花光
妍赤髭白足亦時有蒼林初利尙重騫何願佞佛
我未暇右軍誓墓辭難宣唯懷冠履舊藏處要令
法雨沾無邊幡幡山叟意良厚爲我遠致菖蒲泉
啜泉便可當招隱山頭澗底與爾他日窮沿緣
風秋丁丑初冬北上曉發黃埠留示兒子
五載吳閫客生涯劇苦辛石田無稔歲滂澤有窮
鱗又作北征計多慙西笑人浮雲隨泛泊未暇惜
長貧
長貧
長貧
我乏胡威絹將何療爾寒陰風吹大壑首路卽奔

湍羣稚壺衣苦衰顏灑涕難堅持良玉操便抵勸
加餐

花朝同何翰如陳安州介野園陳勾山觀補
亭周景垣張有堂金雨叔倪敬堂秦礪泉
李聯一鍾露臯集寓齋用昌黎飲酒寧嫌
盞底深題詩尚倚筆鋒勁爲韻分得詩字
起酌司花酒一卮注桃染柳趲芳時逢歡肯便腸
如太老我那禁鬢有絲報荅春光謀薄醉盪摩塵
壘出新詩諸公才氣如昭畧可許東南映小枝

倪少僕敬堂招集近光樓分得烟字

梁溪詩鈔

卷三十五

三

我生不解飲飲卽頰兩顴顧得飲中味浩若雲濤
寬承華遊集並賢俊眼底廓廓驅塵緣宣曲門前
直廬接早暮出入恒差肩花磚移影暝鴉宿庶飲
文字窮清歡常嗟我生筋力孱不能明駝疾走窮
塞垣又不如營平新息上前慷慨聚米論山川海
西血戰萬猛士闕如虓虎走且翺執父橫稍不到
我長裾委珮登細旃高談義黃猶拾藩 帝之
福汝亦已備幸逢 天威掃絕漠玉關捷奏凌
宸宣主人謹呼客不速頓令逸興開雲烟近光樓
高瞰巖業影娥池古涵淪漣盡通屏幃置清醪諧

談間作鱗儀捐急觴聊可盪幽默底用絳蠟燒如
椽春光九十已過半草芽未見遊蜂喧青山一髮
望江國應有層鷲叅差妍吾曹繭絲自纏裏惟藉
豪飲前餘酸雖無絲石韻金谷賴有花木留平泉
東風朝來蕩城郭林彩微現堯羅綿便須排日事
詩酒率真之會公其先

送

皇五子隨侍木蘭前詩意有未備輒廣

元韻

再呈一首

落秋獨行有程六師隨止作表貉先有虞列營屯

大漠鑿興順時動出尤掃絕壑乾坤割礪碾川
原恣磅礴泉從太古流暉自鴻濛鑿絕壁絢丹錦
飛霜染叢薄周陟布長圍養勇耻徒搏飲飛闕虎
虎期門颯雕鸞三驅晨警鑿萬帳宵傳柝星陳儼
魚雅雲罕紛螻略駭獸觸飛鋒奔禽快繁弱健馬
越林巒百里平如削

梁溪詩鈔卷三十五

三五

以上我皇神武姿邁古

信騰趙惟懷經遠圖非取收遊樂鞭笞窮四裔悉
撤古疆索漉海烹鯨鯢拍林驅毒蠹谷渾旣生擒
鬼章行就縛翎侯叅法從侍子滿京雒曩時跳梁
者悉舉收諸橐荒憬遍清夸羣慝遂簫勺向不騰

簡稽何以安歌嘒此義 帝子知習勞 聖心
灼良時侍 宸遊兼得觀秋穫稅駕接枚鄒橐鞬
聯衛霍細帙載明駝鮫綃裏蓮鐔文武惟所用孰
研道何博鯁生氣傷劣窮年閉帷箔狂思一障乘
疾引千弧拓徒吟紫塞霜未辨黃金絡矯首望鴻
騫撫髀增雀躍小別祇旬時贈詞何磊砢懸知沙
塞行意共雲天廓首塗濛雨零歸日勁風曠示我
百篇詩曾吟響鐘鐻

病中遣興詩八首

迎秋先得河魚疾盼到秋殘尚未平支枕不辭雙

梁溪詩鈔

卷三十五

三五

髻短持螯慙負一樽清忙中藥物叢涼熱夢裏交
親雜死生少日蚤衰今况爾祇因投劫促歸程
牀頭脫葉響颼颼疑泛霜林獨夜舟幾杵寒鐘迴
短夢一鐙涼雨寫清秋殘年生計空倉雀被病心
情喘月牛默數故交零落盡不須開徑望羊求
病裏襟懷強自寬風櫺危坐怯衣單略無杯學酬
良月賸有圖書覓古歡香霧衝簾花匝匝參旗當
戶夜闌干朝叅嬾盡從人笑老矣無心厲羽翰
霄薄川遊各有天池籠憔悴自年年每因風起心
悠爾纔話山棲意灑然肪截湖鰻肥勝酪菹挑松

滿大於拳老饕一噉平生足底用華陽十賚全

生平道力愧精專客氣從今要洗滌羸壤解衣渠

曉事厠間脫帽我思愆廣平心鐵知難改叔度澄

波自可憐汗簡數行他日事位余身到阿誰邊

紫塞霜乾木葉稀吹箎哨鹿候無違鸞旂影裏山

成畫豹尾杆前雪打圍好與書生開眼界羞隨新

婦閉車帷明年跨馬平沙路白首還能逐飲飛上書

房諸臣隨駕木蘭分三班余當以明年扈從

擁褐攤書一榻橫蕭然天竺古先生姝姝暖暖從

渠好踞踞涼涼得我情入夢怕逢長樂老摧愁堅

梁溪詩鈔卷三十五

三

築受降城他年脫屣歸真去不用紅蕖作隊迎

晴雲擘絮月磨鎌秋色佳哉傍短檐但許當歌傾

白墮那教服散誤青黏連朝藝菊蜂隨髻午夜廻

鐙雪滿髯不以此時勤作達十分沉錮待誰砭

庚辰夏秋之交卧病累月猥蒙聖皇五子頻

遣使問兼示見懷詩謹次韻奉酬

千秋藝圃徑塗紛吹萬聲中定一君敢以詞章儕

鄭衛直憂寄託半風雲朱絃應指宜頻寫錦帶裁

書定可焚留取三餘疏奧府前賢見道每因文

城西行

西風騷騷冷客魂蒼葭古岸愁陰昏溪南萬柳一
夕髡鴝鷓嘯月荒鴟蹲叢祠碧火光紘紘城西老
狐夜讎賓二八迭侍傳酒罇羅襦半解生陽春象
筵飴醅羅衆珍交竿遞舞揮紅巾社翁山鬼爭駿
奔神鴉銜尾備徼巡秦中小鬼來佻佻誓與老狐
充下陳顏窺色授隨喜嗔分曹市暨規豕豚常時
韓盧最躡筴殘禽一噉意已親壽宮神君聞不聞
胡爲麒麟角端曠不覲妖狐生子仍生孫我行對
此怒毗裂腰間短刀繡澀不可捫吁嗟爾輩方及
辰

梁溪詩鈔

卷三十五

三七

以詩代書東江秀才揆庭并呈柏韞臯侍御

邵叔六編修

有客持札來副以一束詩開緘霏霏雲拂席乃是
故人江子絕妙之文辭憶昨與君別歲陽在丙月
在寅五年書來不見面三年前已長相思詩篇清
絕風格老就中五言尤崛竒驚寔落掌殼發機渾
勁欲與正始追斯人胡爲老巖壑薦賢者誰吾慝
而昔我乞養返故閭卓錫無地爭嘲詆海虞舊隱
思可託君能爲我勤諏諮得此于人亦良寡報君
久敬無時衰我銜魚臯恤永與山阿期事有至難

非意料修門再入含餘悽窮崖忍餓古常有此生
乃爲妻孥馳念子年來亦佗條頭白未免勤鹽齏
高歌夜半起黃鵠落日動壁風入衣平生故人莽
南北今我不往子不來人生窮達亦細事較量車
笠詞何卑無功竊祿迨華皓世上會有田夫嗤承
華侍書况瓌瓌笙竽衆裏同聲吹天根拂袖帶星
霧瓊漿一吸鬢變絲今秋屬疾偶不死枯骸似腊
空留皮太史署銜牛馬走豈若局促安鷄棲無田
無廬休亦得且飲山淥充朝飢終當結茅傍先墓
西磧之東東淦西湖滹海角片帆耳詩筒酒殘頻
梁溪詩鈔卷三十五

三

招攜破山新吟續常尉選臺荒徑穿雲梯與君遊
行無窮期雲龍上下相追隨殘年學道愛真實余
有不可君勤規寄言但取寫肝鬲可見羊何共和
之

爲味經秦大司寇題寓園長夏圖

我昔寡友生嚶鳴滯窮谷遺經抱賈鄭識膂志空
篤時聞淮海賢英姿疊寒玉里開一舍遙跋余勞
遠矚今皇初紀元羣英交輦轂公方鸞鳳翔
我始靈臺宿歡言得合併逸響調琴筑清臚含烟
光坐對令人肅精心貫道要條綱兼正目耘鋤百

氏荒膏苗待成熟啟我蓬之心唯公正也獨萬世
換一朝晤語苦不足洎余稱後進公侍承華讀官
曹雖接聯形影曠寒燠圍居凡幾載景氣富景淑
鄠杜好雲山平泉賸花木園爲故相國索公遺
時從一遊滃淳生衆馥英詞怒濤卷奧義鬼神伏
繞牀積細素縷解無遺簇養正視蒙泉方嚴極忠
告 至尊鑒欵忱羣公推幹局恢恢崇令圖翼

翼追遐躅許身韓富間體遠神更穆十年掌邦禁
羣生無天殞洪鐘調弁侈德輿回牙輻裁成舊典
文作我一家籙如以肉貫弗饜飢隨人欲如憂百

梁溪詩鈔

卷三十五

三

室荒先儲萬困粟祁公讓精覈貴與窘邊幅豎儒
守兎園見此頸爲縮人生飄忽間何者爲我畜鐘
鼎有儻來志業資勤勗公今無負矣大文垂岳瀆
况逢 堯舜理儒術炳清旭萬物得由庚六經

非閣束平生所著書一一庶能復我如退飛鷁空
望翬霄鶴却後十餘年漫作園居續職司又遣公
日檢秋官牘如何限過從積思徒盈掬經疑觸冥
茫待叩心轉蹙吹毫凜神鋒出窻望平陸衰鈍我
有加精爽公逾速今晨展此圖秀氣橫林麓欲傾
卅年悵辭籛意猶蓄永願揚明輝湛輩真錄錄

題句山海住秋漁倡和詩後卽次其韻

我嬾久廢吟啞鐘不任打兩雄鬪清豪水柱垂檐
瓦頰看蜀柿浮甘以齊城下仙翁近移居新祥兆
嬰妃磊落步兵厨速客其宜也海住移家時鳳唼
何渴絕栗尾徒勤把元精困凌暴太乙疲爐冶願
廻定水光綺語洗丹楮天關意不盡一

和句山前輩寒夜漏盡上直韻

聽罷紈如喚夙興天根拂袖曉霜凝年華晚晚行
催臘意况蕭條只似僧橘署頭銜前夜夢玉圍腰
帶此心水韓公不復悲墻角臨老常親照字燈

梁溪詩鈔

卷二十三

四

井底微陽昨已升
江寒風雪重
凌兢聽鐘走馬朝
醒解蕤燭攤書
歲課增睫向病
餘籠苦霧貂從
敝後怯層水細梅
消息江臯早儘
有看花興可乘

南天門

天風獵獵捲輕霽
直造天關意不危
一闕呀空開
詖蕩千山承
趾動躩踞琳宮
繫馬朝光早
陰壑盤
雕夕照
遲安得霜宵
來此宿
俯看珠斗倚
檐垂

常山峪道中有懷勾山景垣

四山殘照裏
木葉亂紛紛
沙爭秋花澹
風微塞草
薰纓田綠
欄轉細路入
雲分舊侶
應思我
追攀不

及羣

雙塔峯

健馬蹋沙聲浙浙黑水宮前侵曉發塞山平望漸
透迤秋氣今來轉慄慄馬上行人忽矯首駢枝仰
見岡頭出諦觀非石復非土突兀撐空竟何物秋
風灌莽陰沉夜竒鬼搏人森欲活春雲嬋娟雜花
麗美女望夫形斃躡強名浮屠乖肖似象帝之先
誰佞佛阿育王城見未嘗尊勝幢經法難說或云
羸政古長城往往縈巒兼帶岳剝蝕難消萬杵豎
青紅尙澆征夫血又言遺構存大遼屹若牛頭聳

梁溪詩鈔

卷三十五

望

天闕粧樓粉盞夢依稀望斷青城古時月調言碎
語苦難究駐馬爲君徐品隲橫看似是桓雙豎側
睇還同堵離立黝黝曾經野火烘壘拆疑遭雷斧
劈姮娥藥杵昨宵霄仙人射期幾時裂陘陋難教
猛夫繞叢蓬倖逃丞相闕天荒地老恣悠悠送盡
跳丸出復沒得逢金鏡千年清更值翠莖頻歲
拂倩渠長作路傍堠雨兩風風自標揭世人輕重
何有哉獨立寒空莽蕭瑟

熱河雜題三首

溝東溝西一萬家家門巷映桑麻鼓顏野老別

開圃了髻女兒能削瓜
紫邏琵琶碧玉簫仙都合樂響嘹唳鈞天宴罷歸
何晚已有華鐙映水飄
乾渣酒賤吾能醉菰米炊香客勸餐世上策勲眠
食是去爲牧長亦清歡
高高仙的入雲明
細流通黑水荒榛殘甃問青城戶稀誰畫南東畝
地迥堪屯十萬兵駐馬欲尋遼宋蹟夜涼弦索不

勝情

梁溪詩鈔

卷三十五

望

椒塗舊話記分明局近彈碁最不平紫羅幾時翻
鐵撥香詞一夜播羶城銜來寃海山頭石化盡愁
雲帳下兵千載悲歡如過鳥關卿何事獨含情

烏桓霧氣重紫塞烟光薄未飭看山眼徒歌上雲

樂朝從石片過純鉤挺千鏢連岡窳復隆斗轉天

壁削健水舞白蛟遠勢張巖齶壞橋騰萬騎疾走

膽爲落玉陽廻九折此義逸難託靡靡逐徒侶前

旂瞻螻略卷五

哨門雖嶮絕經營妙天匠奇雲鏡晴空傑立樹高

閣清輝盪層曲秀采紛難狀地靈固護久迨茲始
一放狎獵萃攢蕩爛編錦垂障天風歛吹吸笙鏞
奏清愴應有咀丹人乘躡自來迂元鶴不我期空
此層霄望

鄂爾楮克哈達

一峯傑立峭且孤凜凜結束偉丈夫青紅駁犖蘊
殊采長松爲骨雲爲膚稍偏左項似廻睨猛氣欲
獵千豪豬我行見之笑且吁指帳坐對窮朝晡帳
後飛瀑勢遠趨左縈右絡跳萬珠杈柯枯樹緣蹠
鼉細草縈棘垂紺朱憶曾粉壁開此圖滿堂動色
梁溪詩鈔卷三十五

三

窺仙妹且圍妙技今則無幻化移此神靈俱山形
雖佳地險絕深夜飲澗來於菟倦僮寤戒無狂
明鏡舉醵呼鳴鳴曉霜翻空烏畢逋扳帳欲去心
踟躕奇景火速憑詩摹

札克丹鄂佛洛營觀蒙古騎生馬歌

札克丹營氣蕭爽沙坡澶漫連平壤諸蕃遊騎爭
驅入霧鬣風鬣恣來往呼韓晚上羊羸羨慢城合
奏琵琶箏曲終更呈舞馬戲奚官碧眼虬髯獐鞭
鞞一拂馬齊縱附尾緣鬃不施鞚千夫疾躍萬夫
唱雪花旋捲塵飛霧注坡驀礮走佻佻舞袂交竿

捷有神忽然墜地勢驚絕懼如健鶻翻輕身舉後
蹶前雙掣拽凌虛制變爭毫髮馬間出入馬不知
逸態雄姿轉相發至尊一顧神冲融人馬咸

資控馭工少府金錢服官綺拜恩蹈舞擎歸籠卡

輪競出尋荒壘蒙古諸蕃帳房
例在旌門外篳篥風高山月起

御營燈火燦華星萬帳烟光夜凝紫代王欲

九月二十日大雪出哨

舊聞燕山雪花大如席何況燕山之北十餘驛邊

風蕭條雁影寒一夜繁陰布空密朝來被命先

徒旅千里龍沙馳滅沒纔看朝霧嶺頭橫已訝吳

梁溪詩鈔卷三十五

霜髯邊結黃皮袴褶愁卷鬢紅粉油衫聽屑瑟却

疑元冥未司辰何得瓊翼先入律壯志摧頽暄節

謝遠遊寂寞天公卹固應作計送將歸潑汞流光

散愁疾盡卷黃山絮海雲圖成紫塞天邊月眼翻

俊鶻去騰凌毳打天鷲影飄瞥週遭一片玉爲峯

鬢鬆千林花作纈紫府仙騎白鳳皇元都佩落青

瑤玦從教奴輩手常駮不信吾曹眼猶熱峰迴路

轉望漸稀枯翠楓丹景尤絕須臾霽色上千嶺又

見頰霞明一抹流輝變滅竟何常據地狂歌吹篳

篥

入木蘭自東而西周覽旬有六日 皇五子

爲言此地建置始末甚詳覈諸 實

錄並可徵信因括其大畧賦古詩一篇異

日或備 聖朝掌故云

大漠何蕭條邊風日颺颺坤靈限華戎精騎固殊
製飛狐碣渤間萬帳居相次木蘭控其中昭亭極
形勢宛宛雙臥虬角角千螺髻縱短而橫楸厥形
唯廬似我從鳥道看短長相補綴方百里者八小
大畿封視于中美水草厥壤多墳埴地居輿桓外
金遼事難紀前朝割大寧遂爲蒙古利嬰城甘退
梁溪詩鈔 卷三十五 聖

守蹙國終自斃北部諸豪族惟科爾沁貴並時遊
牧者不獨巴林細柰曼翁牛特亦各逞矜慎洪惟

太宗烈諸蕃恣臣隸 貴嬪來作周慶自堯門

遺 實科爾沁族 英謀構大庭神斷扶國議遂令

科沁族雲祜綿帶礪 聖祖旣天飛 文母尤顯

邃尊養孚有截帡幪咸喻志常時清暑殿頻軫粉

榆思諸部角稽顙願空南牧地 聖祖輟然笑磊

落錫金幣 以八百萬 每歲春夏交選徒迅言邁

鳳輦陟涼岑 山中尚有 太皇太 龍旂展關外

河 聖祖每歲三月幸 熱 適中便起居亦不廢國事

梁溪詩鈔目錄卷之三十六

國朝 乾隆三

華司教純會 十六首

華大令西植 四首

鄒太守雲城 十五首

李刺史乘 四首

楊廣文泰 二十七首

鄧廣文愷 三首

秦廉訪勇均 二首

周新寧金紳 四首

梁溪詩鈔 卷三十六目錄

陳秀才倫 六首

俞匏村魯瞻 三首

毛鹿亭璿 二首

敖雲亭陳齡 一首

邵樂亭覺 十首

劉青城堅 十首

王止舍栻 二首

駱止舍學庠 三首

吳小山純 三首

鄒明經乾樞 五首

龔南濠南標 六首

鮑明經鑣 二首

朱雲谷廷鎮 一首

華處士薰 三首

黃贈公廷升 五首

楊秀才炳斗 一首

以上共二十四人

梁溪詩鈔

卷三十六 目錄

一一

山士共二十四人

蘇太守限平 一首

黃謝公廷長 五首

陸鎮士薰 三首

朱雲谷廷鎮 一首

鮑明經鑣 二首

龔南濠南標 六首

梁溪詩鈔卷三十六

梁溪顧光旭華陽氏集

國朝

華司教純曾

字敬思號緝亭戊午舉人官常熟縣教諭
補菴公六世孫光旭外舅也先生少工制
義顧蹭蹬場屋乙卯以選貢入成均戊午
舉京兆試甲子應黔南山長之聘先生以
濂洛之理爲歸胡之文而尤熟於史漢黔
中人士遠近嚮風是時安州陳密山先生
爲方伯秋闈揭曉時於講堂設宴候榜每
報一人擊鼓一下勸一巨觴及天明計生
徒得雋者三十三人方伯起賀先生竟醉
矣甲戌有詔舉學正學錄張有堂少宗
伯將以先生應詔先生以年老辭是年
卒於京年六十八著有緝亭制義行世

益梅二首同若干

根蟠拳石瘦影落墨池深入室乾坤古巡簷雨雪
侵樽前風憂玉席上月流金坐近相如壁香生綠

綺琴

消盡紅爐雪傳來畫角風虛堂塵跡斷清韻古人
同夢落百城外春生五字中羅浮歸几席我亦趙
師熊

別鄒慎齋學士赴黔

夜郎月色鬼方秋飄若孤鴻萬里遊多愧故人今
日酒不禁老母暮年愁直須白傅飛雲履更借青
蓮紫綺裘問幾重山幾重水一行天末去悠悠

將抵黔南道中述懷五十韻

少壯耽詩書游歷踰鄉井巢林甘卑棲繫足思高
騁雨汲慧麓泉州棹蓉波艇秦淮淒秋月吳山淪
梁溪詩鈔卷三十六

二

春茗嘆喑老戰場旗蓋數不整骯髒埋心胸蹉跎
惜晷景鹽米鄙計筭衣冠耻謁請先業久蒼涼食
口分器皿高堂乏甘鮮室婦歎勉僮兒女紛倚牀
冬衣不掩脛老屋足松濤寒櫺搖竹影棖棟國僑
憂牖戶姬公警大厦鮮一木深汲乃無綆以此書
咄咄每欲醉冥冥過秦書十上企曾日三省偃仰
長愛廬骨月免漂梗受國士知簡拔邁夷等僉
矣重激昂感極轉鳴哽首塗春跨驢操琴秋歌郢
同學皆不賤此事豈天幸蹇拙羞自媒菰蒲合幽
屏滅字袖無刺徒手臂爲挺久蹋京華塵人情歷

醉醒期門擁臯比天厨致束脰老女慵畫眉巨眼
本高頂慚非虎豹占其文亦能炳廉老思用趙項
少力扛鼎磊落氣如虹眯濛目生青一日遭按劍
三年笑盡餅將老營元裘思歸息箕穎老母朝倚
閨癡兒日舉頸席敞還坐氈鐘鉅莫撞筵抱孫話
嘻嘻課子星耿耿昨者病狂惑懲咽乃忘鯁傭車
朔風嚴縮項春衫冷衲鑿旣相左盾矛那中肯角
弗舊知已青雲路脩迥廿載動參商連牀接歎聲
會面各驚老豁達破哇町勸我黔中行桃李遍山
嶺地主皆大賢忠敬夙所秉日者附書至天南望
梁溪詩鈔

卷三十六

三

引領飢軀輕長途所患喜懼並時方來薰風黃梅
間未杏瀟湘水氣漫積雨苦泥濘高灘漲波濤長
年阻舡艫兀坐旅晝長吟詩市聲靜黔山萬千疊
奇峭絕塵境旭日將解維清輝耀眸炯去去賦壯
游盃寬且酩酊

黔南紀遊得轉韻長句七百字

陸走荆南四千里黔滇鎮鑰武陵是煙水蒼茫不
計程一曲南征從此始我來正植榴花紅淙淙梅
雨飛遙空團黍弔屈諱競渡擊金奏鼓驚鮫宮黔
南高高極天上重灘疊嶂雲中仰雨霽開帆一葉

舟緣藤攀絕神色悵湘南山水稱絕竒千巖萬壑
無窮期崖崩峽束怒濤吼雷奔電掣神光馳桃源
古洞信有之清浪最險神靈司伏波征蠻所開鑿
廟貌血食恒於斯諸川總滙清流駛虬龍盤拏虎
蹲俟小石嗟峩攢萬星如張怒爪摩利齒朔洄牽
挽衆力齊客子僂僂步石蹊二里三里始脫險銀
河倒瀉拖雲梯灘名叢雜未可記一日數灘猶不
止每計一灘高一仞水風吹送青霄裏孤舟夜泊
環山中噌吰鏜鞳伏枕通啼鶴聲淒巖月黑摸魚
火亂江天紅螢光穿樹閃列宿人語應谷鳴高窟

梁溪詩鈔

卷二十六

四

此時起坐夢胸悸怕有魑魅游林叢荒城雉堞凌
查冥高低禾黍錯畦町水車激撞如輓轆赴阡度
陌澆鄉井叢篁密樹白晝幽無名野艷雜薰蕕懸
崖架屋疑棧道沸泉滾石紛珠毬風流巖對辰溪
縣揀天巉壁愁過燕石竇淋漓濕蘚斑不絕涓涓
溜一綫沅芷弔古愁如何江西長橋列肆多美人
香草今安在惟見雲龍臥白波蓬窻溽暑晝熬炙
夜蚊嗜膚不安蓆計日行行將到黔黔中山水尤
竒僻澗道灣環東復西沿洄數轉仍故溪驚沙跋
浪齧石堤行舟寥泐炎風淒崇阿疊疊排行列或

卷封書或布奕拊背扼吭還凭肩天工刻畫成凹
凸舍舟從陸趨會城監輿登陟跨峻嶒無窮突兀
迎人面始信人間路不平相見坡前曳匹練上緣
鳥道下渦漩前迎後送十里餘迴眸轉矚心戰戰
飛雲牟珠雙洞邊屋氣樓臺薄眼前一柱孤撐懸
四壁瓊漿凍結珠蟬聯洞中深黑鳴幽泉神仙窟
宅蛟龍眼鴻濛開闢何太巧鐫鏤萬狀布八埏目
所經靦足親踐瑣碎掇拾資排遣餘凡殊詭難悉
詳掛一漏萬知不免緬昔遷客與騷人伶俜萬里
嗟遭迤卽今服官何所擇賢勞鞅掌無停輪我非

梁溪詩鈔

卷三十六

五

使星非守土長途登頓由自取時清荒徼靖烟氛
聲教四訖弦誦聞窮山絕壑消伏莽紫猫花狔皆
知文客思鄉心莫相逼檢點詩囊掃胷臆
正興 荅密山方伯 聞神 太古 繼 萬 米 帝 八 豸 目
古歡我識陳驚座老怕人呼華子魚見說催花樽
有酒不愁彈缺出無車講堂便訂三年學行篋應
開萬卷書雲過一峯爲一雨疎簾風動只徐徐
更入黔中得邵時乾書
彈缺事長征春風草又生雙魚來萬里孤枕欲三
更海嶽招宗慤冰霜老向平推窗起微步落落衆

星橫

獻歲書懷五首

山林城市總棲幽到處忘機似海鷗猶抱雄心三

尺劍儘嘗貧味百年秋青雲若個騰高躅白髮何

人讓出頭雪凜空腸無一物偏教寸地著牢愁

過駒日月自奔忙忙裏悲愉攪俗腸食宿東西憑

夢囈轍轅南北笑行藏幻緣旦暮滄桑易浮世冠

裳傀儡裝惟有庭松青不改流脂千載有真香

書帷少日掩重關啞啞雞聲五夜間魚鑰破眠思

刺股鯉庭呈課始開顏無聞自嘆流光駛罔極深

梁溪詩鈔

卷三十六

六

漸式穀艱四十餘年彈指過墓田春草路芊芊

並無疆畝辨南東餬口經畬稽事終祖澤綿延三

寸管父書零亂一牀風當年歌哭烏衣第此日曾

元鶴鬢翁自分帝閭成萬里只教曝背獻微忠

春回臘去似流丸幾首新詩清課闌得句沉吟燈

燼暗看花傾倒酒杯寬識塗老馬行偏遠繞樹飢

鳥別又難何事填膺輕一吐悲鳴長嘯總無端

山林癸酉京邸除夕

駒隙光陰逝不收暮雲殘雪小勾留黃雞有口催

殘夢絳蠟無心剪舊愁彩筆迎春猶瀾漫唐花守

歲儘風流當年刻燭題詩侶誰在圍爐聽雪樓

甲戌人日

梅花無驛使殘角亂新愁雪被冰牀夜青袍白髮
秋壯心悲老驥春夢散輕鷗今日又人日相思天
際頭

爲張有堂少宗伯題照

竿直何心下曲鈎虹霓作線鈎吞舟休忘身在蓬
山頂檻外銀濤碧海流
笠澤蒼茫海鳥呼莫將鐘鼓報菰蘆三疏老去思
鄉里應盡雙輪駟馬圖

梁溪詩鈔卷三十六

七

華大令西植

字燕鹿號煙麓晚號晚香子爲續碧山十
老之一戊午舉於鄉歷官江西貴溪鉛山
彭澤湖口南康縣知縣著有貴溪縣志制
府黃公曰華令不當以俗吏目之先生師
事吾家復初祭酒今大學士拙修嵇公少
從受業者學有本原莅政慈惠告休時南
康士民攀轅泣下先生口占曰贏得西江
數行淚囊中不受一文錢及歸賴嵇公泊
諸及門贈遺以給餼粥卒年八十九有自

敘晚香子述略嵇公傳之尚重之其後

罷官二首

罷官如破夢何事更威遲已棄堂前婦還憐膝下
兒舍之寧返顧去矣欲誰知回語爾赤子新人似
母慈

束髮受明訓事君當致身尚餘骸骨在敢問室家
貧清白吏由已子孫賢幾人我躬猶不閤何以報
吾親

懷嵇尚書

日月星辰繫江淮河漢流看君何惴惴老我只悠
梁溪詩鈔卷三十六

八

悠稷契非虛負乾坤有大猷浮雲去不盡遙望一
疑眸

自題按劍圖

覆雨翻雲變態殊衝冠一怒戟髯鬚歸來茆屋踈
林下自寫風塵按劍圖
鄒太守雲城

鄒太守雲城

字擁書號亦樓晚更號叅山戊午舉人黎
眉先生之孫歷官直隸河間府知府先生
爲治寬而遇事直承有氣力嘗侃侃爭利
病於上官不爲屈上官亦倚重之其居家

不... 孝友當窮時已能推讓田舍於其弟及貴
常均其出入乞老歸田年餘卒年七十二
續碧山十老之一

盤山 并序

盤山勝境脩載山誌而古寺著名者凡十有五
卽其名爲韻各紀一絕

翠柏蒼蒼認少林達摩曾否此經臨盤山亦有嵩
山壁收得東華面壁心 少林寺

幽竒最是古中盤怪石嶙峋盡亦難平看五松如
偃蓋風前松子落清寒 古中盤

梁溪詩鈔

卷三十六

九

雲去雲來何日淨只留團月清如鏡掃雲做帚擲
紅塵雲共水流心不競 雲淨寺

清磬悠然出東竺西來大意泉聲續如如亭畔埽
松花持與山僧佐茶粥 東竺寺

掛月峯前看雲罩雲氣四垂皴石貌寒霧漫山不
見人寺門吠犬聲如豹 雲罩寺

何年李愿歸盤谷古寺依然繚而曲應識唐文只
一篇歐陽不厭百回讀 盤谷寺

筇杖相扶到上方懸空石下結僧房搖搖欲墮竟
不墮禪悅鳥性松風香 上方寺

松門對峙雙甘澗幾日春歸看洗雁誰向源頭盡
兩支流出桃花拈一瓣

東甘澗西甘澗

祇園結構寔天成澗作池塘山作城壁立兩峯門

戶闌松陰一帶石橋橫

天成寺

一片秋光冷萬松雲濃綠沁寒筇便騎白鶴遊

天上緬邈風濤壓暮鐘

萬松寺

橫看成嶺側成峯

蘇文忠句

世態人心隔萬重太白乘

舟過秋浦青天削出九芙蓉

李詩

青峯寺

琉璃點破光明藏幾多豪傑蒲團上殘僧半夜來

撞鐘猛虎一聲山似浪

法藏寺

梁溪詩鈔

卷三十六

十

本來無相何千相如是觀來悟無上子輿指點只

幾希但看人家雞犬放

千相寺

雙松十丈伴雙峯峯頂安禪制毒龍若使老僧知

月出北宗何必異南宗

雙峯寺

天香何似木樨香香雨溟濛下石牀說與道人渾

不解傾翻銀漢桂為漿

天香寺

李刺史時乘

字毓奇號海門戊午舉人歷官東平知州

初除鄒縣調益都修復松林書院人文日

起東平較繁劇竟以積勞卒

初秋雜興

靜夜月當槐空庭水浮藻風來藻影動散碎月逾
好客館豐暇豫獨酌無煩惱夜深露氣清明河淨
如掃簷前振絺綌落葉落驚秋早感此念故鄉想見
蓴絲老田園良已蕪松桂行可抱何計辦青鞋應
接山陰道

荅友人次韵

聞道遺編出酉陽願從炳燭借餘光舊書熟復精
神洽好友叅尋意味長偶爲持螯讀爾雅未妨賣
餅說公羊袁遺有志何時遂不覺吟聲帶越鄉

梁溪詩鈔卷三十六

十一

殘春

紅杏花繁繞舍生小園香裡過清明閑愁不斷如
春雨別緒偏多似落英黃鳥催題新柳色青衫寧
戀故人情年來一種關心事撚白髭鬚句未成

旅懷

客髻茶烟裏鄉心江水東去來看雁路得失問漁
翁春盡一鳩雨花殘雙蝶風不知綠底事猶自滯
歸簾

楊廣文泰

字虞尊號來齋戊午副榜官廬江教諭著

有讀畫軒詩稿淮南詩艸來齋性恬泊寡
言笑少學於王蓼園先生文名籍甚而澹
於進取余師鄒宗伯二知先生謂其詩澹
而旨質而文可與碧山諸子共追大雅云

道逢陳一表弟

不記幾年別相看鬢又新匆匆言不盡先問白頭

親

東膠山晤黃守中先生曾孫出其先人手製

硯并顧景范安孟公兩先生畫卷

梁鴻山與嵩膠連鷺湖死溪中洄旋水深土厚俗

梁溪詩鈔卷三十六

七

淳樸鹿門往往棲高賢守中先生最狷潔授經門

外多車轍摩挲一石常數年手劬溪雲製獨絕我

來山下尋公孫家風不改仍清門開緘什襲示手

澤穆然太古今猶存家徒四壁復何有草堂爲湖

先生壽孟公手繪猷奕圖顧子作辭文不朽秋風

釣渚蘆花月執手蒼涼對華髮

俱序中語釣渚景范先生所居袖

手殘棋局外閒蓬萊清淺傷飄忽憶昔分宜柄國

時累朝元氣中傷夷光熹以後盛闡豎清流白馬

同傷悲喬木依然故家在洞口花深閱時代我讀

斯文重嗟吁卷圖撫視還踟躕溪山依然如畫圖

寒峯落月村烟孤

乙亥秋蠨蟲傷稼自淮南至浙西大飢明年
麥熟繼以大疫皆百年老人所未見感時
記事各繫以詩

蠨傷

吳中積雨六月絮蟲飛盡晝夜屯聚薄雲歇雨漏
窗明趨趨投燈鼓青羽老農占時憂最先不逢伏
熱恒無年果然九月灾乃見稻根節節蟲穴纏黃
雲一夜風吹黑荒郊慘慘天無色吁嗟孽芽物最
微遲速倚伏誰先機

梁溪詩鈔

卷三十六

三

排門行

縣中吏持府帖下里正抱冊前迎馬核戶算口并
搜粟極貧次貧門上寫飢民欲增吏欲減里正匍
伏長官罵謹譁叫叟婦子號風雪空村淚盈把

嗟來行

老持幼寡攜孤挈瓶擔桶羣將扶酸風寒雨雪凍
塗手皸足裂無完膚婦無裙布男無襦推擠拉雜
仆復蘇夜行早伺至日晡輾轉徃徃死路隅吁嗟
乎城中兩邑分賑設官厥城西纍纍埋邱莽

棄婦嘆

蓬麻附兔絲猶得相扳援棄婦何處所飄萍離其
根出門野蕭條四顧俱空村婦人義從夫東西任
投奔妾身君自主生死唯君恩顧惟人爲貴乃如
雞與豚去矣誼不顧傷哉苟圖存漢道承秦敝買
臣妻有言賈生痛哭書憤俗切所宣天災時流行
要使風俗敦

荳莢肥

雨疎疎蠶簇簇大麥初黃秧針綠鱒魚鱸雪櫻桃
紅乍暖風光有九熟

俗語櫻桃九熟

驚雷壓雪荳常稀今

年春雨荳子肥沙瓶爛煮酥甘軟充腸果腹無啼

梁溪詩鈔

卷三十六

十四

飢可憐草根木樹皮冬春剝掘無留遺山根石罅
泥如粉淘澄漉和聊作糜一陽窮上天心復齊腰
小麥場登續少婦風前絡早絲村翁近社浮春醪

大巫歌

大巫搖頭鬢花鞞小巫向空口倭咳入門作態致
張皇家鬼不如野鬼大牲牢酒醴黍稷馨棗栗饌
餽雜蔬果紙錢甲馬烟騰空神之來兮巫許可吳
俗尚鬼好淫祀禱祈迎賽疲愚悞邇來神道復設
教赫赫明明靈亦頗鳴呼醫和巫臯不復見小技
無傳甚么麼賣田鬻宅償欠逋不顧一朝家產破

承平百年餘生齒日已繁風土况佳麗衣食窮華
鮮茶社倒茗碗酒壚沸管弦家徒四立壁衣裘出
翩翩長衢高樓凭修眉坐嬋媛春秋山水佳空城
拾翠鈿淫祠及賽社井巷皆駢闐惜哉一歲凶輒
轉殊堪憐艱難因暴殄莫但呼蒼天安得返淳朴
滋殖無憂年

題薛顛樓越遊草後

十年夢斷剡溪遊湖上新詩一攬收月底橋邊多

得句水光山色最宜秋壞陂幾處歌黃鶴時將有湖之

梁溪詩鈔卷三十六

別殿重開駐翠旂莫問興亡棊覆局任他管

領有浮鷗

稿中留題湖上云南波到今棊幾局西湖終古鏡新磨

贈閻如姪納妾

底事年來瘦沈腰倦遊司馬絕無聊秦關欲上貂
裘做燕市懷歸駿骨消却扇細評梅下格停盃低

按月中簫憑將夢裏生花筆妝鏡春山與細描

敬書先冷泉公遺墨後

學山主人老梅屋曲檻清湍帶修竹學山草堂修竹廬皆先伯

居父故斑斕莫名古瑟器壓架何啻于玉軸先君杖

履頻往來興到拈毫寫鸚鵡花時觴詠集名賢

園邵曾訓潘陸師仲司馬兼蒙泉吳大令杜老平

生最蕭瑟狂飲醉舞春風顛雲川亦能愛畫入骨

髓珍重新詩題滿紙枇杷如生鴿鴿飛白陽山人

其庶幾二句雲川畫圖零落今安在三十年間事

難再當年匠意苦莫識身後方珍購遺墨手澤親

留家僅存散落人間收不得披圖彷彿竹廬時不

記飄零杜老詩春風花鳥猶前度泪墨模糊粉黛

蠹

送吳五馭中之廣西

親老兼貧病翻然作遠遊弟兄雙別淚天地一孤

梁溪詩鈔卷三十六 六

舟瘴嶺橫雲黑啼猿叫夜愁送君無別語早慰倚

閭憂

擬東坡八首并序存四

東坡耕黃州田歲旱因作詩自憫其勤庶幾來

歲之入以忘其勞余今春理牆東隙地躬拾瓦

礫乃亦遇旱歲作詩非敢妄擬前賢亦于闕早

無慘中發同人一慨云戊子五月二十三日

坡翁謫黃州廢壘芟蓬蒿故人念困匱自笑如刮

毛坡翁詩崎嶇草棘我昨理牆東瓦礫亦躬勞老

至豈學稼借此畝土膏驕陽胡遽酷亢旱適我遭

歎息懷前賢天窮亦焉逃坡詩獨有孤旅人天窮無所逃

劉翁樊川能愛我謂宜耕且讀有田不自食胡以居

鄉曲今春始疆理蒿艾仍滿目野老顧我笑子計

恐未熟業恒異斯遷展轉多局促爾我等亾羊何

殊臧與穀詩蓋兼開只銷土衣不備夫情田

中夜起徬徨仰視天宇碧四面桔槔聲中有淚暗

滴微軀鴻毛輕斗水黃金直貧嗟觀袖手強唯視

有力我理與彼疆犬牙各封殖綠水護秧針落落

棋枰劃一雨倘滂沱棄置良可惜谷誰豈無人

清溪抱村流長橋卧虹影迤邐遲來江湖汪洋灌干

梁溪詩鈔 卷三十六 七

頊楷萍圻龜背居人拾龍龜何年此林塘卜築事

幽屏喬柯遺古根清潭出甃井陵谷幾時遷無人

能記省村北巨浸竭有老樹古井出焉

白茆行庚寅十月金

白茆浚河七邑俱長洲元和無錫金匱江陰常熟昭文七邑誰其主者

山陰朱三江舊例置弗問只論土方不論夫計田

兩邑一百一十萬計夫兩邑萬有一千餘每夫土

方分十二限日四十程工舒錫金兩邑田除僧圖

十餘萬金邑六十萬無錫九千夫零縱橫一丈

一百四畝夫共一萬一千夫限四吏胥圖保欣

十日完工計每日夫挑土三分

覬覦夫单票檄紛墨殊戶首董事名目多張牙鼓

舌肥其軀每一甲田多者為戶首每一圖田多者為董事戶首集錢董事領給官帑大

戶畝錢五六十小戶畝百誰齟齬田多者每畝出錢五十六十不

等田少及奇零碎戶或畝百錢或畝七十錢現年五六十兩一圖歛錢包工奇貨

居肩荷擔負流汗趨道旁敢言莫敢怒擾擾社鼠

兼城狐何人大聲攘臂呼具呈大吏駭且吁三江

水利有成例傷財害民胡為乎減夫核半民其蘇

奸胥捺示仍糶糊臨期赴工大張論嗟已散漫飛

青蚨三江例每夫挑土七分依四十日限每十夫減半有零應每夫挑土二十八方比出示曉諭而出錢者憶昔疆圉協洽歲開浚錫金十五夫

已十八九矣

奕溪詩鈔卷三十六

一圖輪年獨辦費相等安堵似覺今不如年雍正五年始開此河每圖祇派夫十五名現年總甲獨辦因上出錢與今現年等而散甲安然也澤門

邑中黔皙殊七邑詛祝徒區區朝三暮四空喜怒

狙公一笑羣狙愚論夫不論方副使惑人說也減夫不減土圖保惑人說也實則

名曰減夫而大姪載騫結纓金川筮魂錫壑作詩弔之

君未三十登賢書驍騰矯若初生駒老人執手贈

行語意已千里無崎嶇春官一上不得第蹭蹬寧

非玉成意干將處匣出鋒稜徃徃壁間吐光氣三

竿落魄走大梁傾囊結客游俠場月明梁苑空詞

賦日落夷門徒慷慨
詔書尺一起沈滯
新刃發
硯初欲試一蹴霜蹄
凡馬空遂縮銅章
親克事叱
馭何知行路難
論蜀還憑檄
傳示轅門
一謁橐鞬
屬橐筆還教監砲局
賦詩橫槊亦自豪
袴褶弓刀
旋結束木果木前
戰壘高千尋
崖嶠山無毛
下臨
美卧溝千尺蛇盤
仄足愁猿
猱炎天裂石
火雲觸
夜半轟雷聞震礮
只看螳臂
漫當車誰云
蜂虿無
余毒吓嗟乎儒生
糜身報國心莫哀
沙塲醉卧何
人廻嚙齧握爪亦
死耳裏尸馬革胡
爲哉千秋碧
血埋泉臺
深林黑箐魂歸來

梁溪詩鈔

卷三十六

九

血埋泉臺

深林黑箐

魂歸來

三載青齊路
單車老倦游
亂山圍莒縣
歸客走沂州
僻陋風猶古
蒼茫氣早秋
從來強恃險
懷古意
遲留

蘭陵惲公醇臨行出所畫野塘小景見惠因

題其上

煙雨陂塘菱苕鋪
草蟲趨趨亂青蕪
昨宵夢繞江南路
惆悵朝來祇畫圖

蓼園王老夫子命題無我相圖

落日千山影
春暉寸草心
畫圖空色相
只有白雲

深

送王五福司訓東臺二絕句

年來王粲倦登樓，爛熳聲華六十秋。兩鬢蕭蕭一

官冷，不堪明月小揚州。

東臺號小揚州

君到吳陵及早春，東風桃李一時新。布衣詩卷留

天地，爲問當年吳野人。

吳嘉紀字野人，泰州布衣，有陋軒集。

郡中雨窗題函

廬陽客舍雨踈踈，盡日無人問索居。睡起小窗閒
吮墨，滿庭柿葉落花初。

廬江繡溪坐王氏觀蘭亭

戊戌上巳

梁溪詩鈔

卷三十六

三

幽栖小築隔塵氛，禊日蘭亭訪右軍。草色已迷元
放里，桃花多傍小喬墳。一灣春水明方甸，千疊晴
巒聳白雲。却比連朝遊更勝，不妨閒坐到斜曛。

胡星溪索画扇并題

一灣綠水三間屋，幾曲疎籬萬竹竿。此願十年猶
未遂，空餘淡墨弄清寒。

鄧廣文愷

字霽峯，號秋園。戊午副榜。官旌德縣教諭。

邑中蔡文清巖丹生朱蓉帆許綱夫爲詩

社秣園與焉。又與吳蒙泉徐念齋輩詩酒

往來厚善無間
稅園事繼母孝
母嚴於稅園
僅十年長晨夕
奉侍惟謹母偶
怒稅園長跪不
敢起年餘七十
以爲常

晚起

窻日照殘夢山雲落枕邊
藜牀扶宿醉湘簟引高眠
露竹新梢墜簷花小朶偏
清閒懶梳洗消受靜中緣

辛卯冬改廳耳室爲面南小閣顏曰含暉漫成一律

面城小閣寄登臨
霽日晴烘解朔陰
愛暖且爲娛
梁溪詩鈔卷三十六

王

老計憑高方遂出
塵心塔傳清響鈴
聲碎窻擁寒光雲影深
莫道蝸廬容膝窄半牀
几硯愜幽情

笄山次韻

卽大孤山其形似笄

山近匡廬接太空
峩峩高髻插雲中
元靈青鬢紉垂髫明月
雙瑱飾佩恍江柳懶梳
鬟繞綠浪桃常壓鬢邊
紅妝臺遺跡知還在
山有梳粧臺地久天長髮不髻

秦廉訪勇均

字健資號柱川已未進士
第三人授編修累官西安
按察使司老病乞歸卒於
商州

旅次年七十一公長身修髯坦中任真未
遇時嘗依親串署中習刑名旣而會試宿
號舍夢二白鬚者操馬皮以獻謂公存其
嗣也蓋公遊幕時曾有馬姓項兒而皮姓
同謀者公囑主人再鞫得實而真犯服馬
與皮皆數世单丁者也公在官用法寬而
於大猾一無所縱所至崇書院恤灾稜士
民羅拜車前其同年友袁枚誌公墓銘曰
廉不劇劇何用不臧明能恢恢何弛不張
公何愧焉

梁溪詩鈔

卷三十六

三

己未傳臚恭紀

四首
存二

左掖移門侍直晨書生曾預掌
綵綸迴翔秘閣
棲鸞舊蹀躞天街策馬新詠罷霓裳同載舞
賜
來綾餅雜多珍紫微花下情何限又沐瀛洲浩蕩
春

欣奉慈闈帝里居鸞章昨歲拜恩初趨

朝訓勉勤王事退食丁寧讀父書此日歸來真
舞綵當年遠別幾牽裾承歡豈易邀君寵倍切

葵心向玉除

周新寧金紳

字大階號握蘭已未進士官四川新寧知
縣著有握蘭詩文紳吳蒙泉爲之序曰先
生任蜀令單車就道不以家累自隨誓爲
清白吏以不負所學不二年而教化大行
竟以勞瘁卒於官

洞庭山遊宿

巨區七十二芙蓉洞庭對峙湖光中我來霜天正
清迥豁然萬頃開心胷烟光暮合千山裏星斗森
寒浸秋水夜深殘月蚌中開獨傍西巖宿喂蟲語
旦居人駕野航前灘導我採蓮房逶迤彌望四十
梁溪詩鈔卷二十六

三

秋懷

六首
存一

菱葉纖纖漾碧波相逢不信十年過曾經月夜聽
簫管不卷珠簾擁翠螺柳色分明隄畔路桂香零
落客中歌滄桑有感君知否一任鳴蛩喚奈何

江行雜感

三首
存二

江邊水落漲虛沙望裏迢迢去路賒岸柳未青前

度眼山梅應白故園花關津多阻如留客魂夢頻
驚不到家野鳥閑鷗飛不定身隨一葉寄天涯
溯洄兀是在春初一月篷窗水上居巴蜀山川羞
製錦武昌楊柳歎無魚琴臺欲訪相如跡茅屋先
尋杜甫廬官職聲名我何有心期忍負十年書

陳秀才倫

字遜其號復庵諸生著有復庵集

張循王墓

六丁不下驅天驕宮車碾雪夜渡遼白頭烏啄大

家屋衣錦王孫路傍哭一馬化龍浮渡江臨安王

梁溪詩鈔

卷三十六

十四

氣於斯卜烽火江淮草未殘中原血戰腥風寒揮
戈誰洗靖康恥屈指英雄岳與韓區區子英奚爲
者片紙贖書背人寫風波萬里壞長城三字真稱
廷尉平北人歌舞南人泣賀蘭鐵騎仍縱橫兩宮
魄冷冰天月翊戴反旌讒誚骨麒麟墓道枕蒼烟
御墨淋漓灑碑碣寺門縹緲對晴湖萬頃不洗青
山污錢塘風月更蕭瑟逆檜堂封還屹屹

許溪

恍入桃源路人間自歲華自含千嶂雨紅淥一溪
花小店沽春酒平橋繫釣槎此中得幽意買棹欲

浮家

孤村

終年常作客歸路入孤村家塾猶書卷鄉鄰自酒
尊橋歌人避路夜靜犬依門田野有真意深宵清
夢魂
迴回會眷鼠去鼠黃烈于爐晉齋屨未
開行覽高十貝雷一葉附與並效山麓山外
麥徑春泥軟閒行反得怱草香隨蠟屐花影入詩
囊白社尋僧話青帘貰酒嘗兒童看未慣應笑米
顛狂

剪刀

梁溪詩鈔

卷三十六

五

倚醉獨聞時風輕劈素絲却愁裁不斷一縷舊相
思

錢塘觀潮

江上清秋曉霧開候堤津吏報潮來峨眉冷積千
峰雪巫峽聲高十月雷一葉倒穿波底出羣山低
拱浪頭回會稽鹿走鳴夷隱千載胥濤氣未灰

俞匏村魯瞻

字岱巖諸生著有匏村詩藁

蘭

巖阿同寄迹氣味得交深逸韵流虛室清芬溢素

襟采芳君子佩援操古人心湘水留餘憾千秋澤
畔吟醉舞聽泉裏孤舟五平躡白翎吞草水青尖翻
石罅漱清泉夜靜空山冷嗒然坐雲根月淡松蘿
影

弔倪高士墓

鳳昔仰芳躅今日尋荒萊碑橫烏篆滅徑仄霜花
開松姿冷危石鶴夢栖寒梅憑弔發深慨踏月東
臯回

毛鹿亭璿

梁溪詩鈔

卷三十六

三

字政衡著有鹿亭詩稿

題王仲山醉仙圖

羣仙渺何處來自先生手四翁各異態注目在杯
酒跣足復科頭醉鄉脫塵垢冥冥入廣大便便腹
何有採芝非服餌元嬰固相守醉日豈但干抱甕
得上壽放眼看青天日月任奔走

雨泛泉

烟雨微茫裏扁舟正下灘白添吞岸水青失隔溪
巒雲裡砧聲咽風中雁影寒漁歌迎棹起一笠海

天寬

教雲亭棟齡

字國承著有雲亭旅吟

夜泊樊城

十里樊城枕碧波萬家煙火沸笙歌居人都忘揮
戈地行客還尋飲馬河風起一江燈影亂雲開兩
岸月明多村醪可是銷愁物蓬底攤書倚醉哦

邵樂亭覺

字梁夫著有樂樂亭近稿朱欄香云我誦
樂亭艸擬之絕無倫卽杜卽君詩庶以傳
其真邑志文苑傳云梁夫詩善爲長古

梁溪詩鈔

卷三十六

七

舟中飲酒謠

對山可斟對水可酌萬水千山面面來千斟萬酌
何曾却醒時自夷猶醉後仍落拓吾亦烏知山之
高水之潤山之險水之惡將以河海爲囂太華爲
爵摘青松翠栢爲藜藿與日月相酬酢

春正六日集諸兄弟樂樂亭小飲述懷

春和酒太虛吾亭亦浩浩山翠落几右清波自縈
繞媚茲景物新兄弟盡歡好看皆白首耽書不
知老酌酒以陶情笑言杼夙抱衆鳥鳴高枝依人
若了了臨風振六翮頡頏翔雲表

對雪

盡說春陰百事灰入春幾見曉晴來梅依小院寒
難放雲壓重門晝未開山白鳥疑雲蔽日冰堅魚
恐地無雷淮徐賑卹勞 宵旰還念殘黎凍已頽

舟阻京口有感

箭河春水自潺湲獨沂寒江幾日還夜雨孤舟依
鐵甕曉風殘夢踏金山十年關塞全家棄半世飄
零兩鬢斑此去石梁知不遠晨昏終愧隔慈顏

秋日酌同鄉馮茂才

每聽嚶鳴悵應求石梁傾蓋共綢繆雁橫殘月他

梁溪詩鈔

卷三十六

三

鄉夢葉落寒江故國秋痛飲自堪消旅思浮生真
擬泛虛舟山中開遍黃花好乘興還爲爛熳遊

登飛狐縹緲樓用壁間魏宮簷韵

獨住邊關且獨遊欲窮縹緲更登樓紫荊險扼飛
狐踞白石遙籠倒馬浮雲豎長城封鳥道風清朔
野逼芳洲蒼茫故國驚秋老望斷征鴻月一鉤

到家

久客乍言歸入門心自喜登堂拜慈母眼昏不辨
子一見復生悲十載缺甘旨回頭指瘦婦盤飧仗
十指可憐黠黯東壁光可憐軋軋機聲苦幼女垢

面立膝前十歲生來未識父
堦前秋艸蕪涼風塞
牖戶客囊雖羞澁聊用漑塵釜
婦携幼女下中厨
母呼兒看庭中樹此樹當年種
兒手今汝歸來尋
丈徒橘中何樂但垂垂小者如拳大如缶
秋日得華大敬思江南寄懷詩四章次韻奉

荅兼呈張四繩曾

錄一

萬里飄零客孤鴻久失林
忽傳才子句遙見故人
心桂嶺蠻烟薄灘江瘴霧深
藜莪吟廢後衰疾日
相侵

桂林懷古

梁溪詩鈔卷三十六

十九

西粵提封跨遠邦况連荆楚俗繁麗
秦城北築空
兼併漢將南征早受降
抗節長吟凌桂嶺
留守瞿式耜獨
守空城執不屈
攀髯抱痛咽灘江
巡撫方震孺陳
著有浩然吟
馬士英矯詔所
唐虞祠廟遙相望
寂莫斜陽峙影
雙堯山在城東
舜山在城北

嶺嶠西南都會間
僖俾黑齒半稱蠻
原封回贈咸

滋畏
吳讓遺詩却南丹土官饋
單騎開誠敢逞頑

馮伸已單騎撫
八桂蕭疎鈴閣靜
范文穆為帥恬

論諸蠻咸服
桂五君吟詠秀峯間
顏延之為守著書獨
低徊往

事空流水雲樹蒼茫擁萬山

劉青城堅

初名秉鑑字曲江號青城山人著有修潔

齋閒筆銷夏錄說部精華

贈真州金翁

居嘗义手思穹宇茫茫世事誰撐柱烏衣杜曲多
香名過眼紛紛若無覩拈髭撚帶意穆然把酒風
前獨懷古炊糜阿父牛醫兒但得望塵頭欲俯今
者聞諸道路人有士真州近堪伍冰雪肝腸喬嶽
身譽之不喜毀無怒有時慷慨不避俛一洗人間
百年腐奔濤走海手障之禿鬢長眉力如虎子雖

梁溪詩鈔

卷三十六

三

杜門寡所交我曹豈易一二數想從白社歸艸堂

燦爛雙星錦衣舞

時翁年正八十

爐香琴韻高人廬遁跡

河須伯通廡山靈水秀翁獨當左抱玉田右蘭圃

天付義門樂事全年年常作秋光主

王上舍栻

字翼南號學軒著有學舍詩艸

蓉湖秋釣

只任鳧鷖點綠蘋何妨皓首坐垂綸一般秋色煙
波冷不羨淮陰羨富春

離垢菴

何處堪離垢禪關竹半遮斷崖雲護薛曲澗水流
花僧定爐烟細山深日影斜倚闌閒坐久松葉好
烹茶

路上舍學庠

字南宮號偶軒著有偶軒詩艸

擬賦登仲宣樓有懷

不堪極目仲宣樓寥落關河起暮愁細雨綠波吳
苑曉西風黃葉渚宮秋峽猿淒絕三聲淚漢水蒼
茫一釣舟詩酒天涯長作客幾時重賦大刀頭

登梅濱閣卽呈端翁先生

梁溪詩鈔

卷三十六

三十一

高閣弓河上登臨亦快哉花香留客坐山翠過城
來白髮詩千首青春酒一杯隣園見桃李多半爲

君栽

漁家

江清風靜片雲收淺水蘆花舴艋舟欸乃一聲秋
影亂月明飛下却驚鷗

吳小山純

烹茶

字思成居邑之間江著有小山閒詠邵半

蘇僧家圍爨爲之序

愚谷

問訊愚公谷園荒古木稠泉猶飛澗道山自湧岑
樓落日遊人去空梁燕子愁綺羅絃管歇惟有白
雲留

貞義單姬祠

悲莫悲兮瞬息時二泉千古單姬祠空餘艸屋牽
蘿蔓未有蓬麻結兔絲倒石墻頭山補缺流紅水
面澗分池莓苔展邨村莊女莫漫階前倚竹枝

繼文丞相

衣冠千載拜江濱

謂史可法

柴市先看丞相文蘇武暨

回天外節張巡終陷陣前雲麒麟東魯春秋泣杜

梁溪詩鈔

卷三十六

三

宇西川日夜聞但得乾坤留正氣氣成龍虎壯三

軍

鄒明經乾樞

面鄒公字拱北庚申選貢生邑志文苑傳云拱北

每舉遺文野史曰講指畫顛末不遺從受

詩法於顧仁垣中展格律深細古文亦豐

蔚微傷於雜然洽聞殫見議論衮衮不竭

蔚微傷於雜然洽聞殫見議論衮衮不竭

蔚微傷於雜然洽聞殫見議論衮衮不竭

蔚微傷於雜然洽聞殫見議論衮衮不竭

蔚微傷於雜然洽聞殫見議論衮衮不竭

龍中有金鱗一尾長半尺許文采特異惜貯

瓶去黃之破益中

蕭閒公子居華堂屏山六曲座後張法書尊壘堆
案傍燁然四壁生輝光日輪當天書漏長下簾細
炙沉水香颺颺簾外微風涼朱欄一帶綠修廊廣
庭樹石咸青蒼高梧挺挺列兩行假山對面臨崇
岡蜿蜒起伏豎女墻窈然深谷乃下藏靚深陰邃
疑雲房圓池底鬢花磁缸清泉石罅聲淙淙錦鱗
出沒何焜煌含波嚼沫殊洋洋主人對之樂無央
慣從池畔安交床吁嗟此魚來何方奇文異采非
梁溪詩鈔卷三十六

三

尋常云胡謫墮遭既殃茆簷壓頭開土窻墻根破
盜水一汪炎風刮地塵頭黃離離水面皆麥芒垂
頭妥尾身似僵想爾有知中盡傷泥沙蟠屈朱鱗
戕鬣鬣何日凌波翔空齋徒倚悽復惶恨無善地
堪徜徉側身清淚徒浪浪

又詩闔閭城

茂苑吳宮已劫灰湖干雉堞滿蒿萊一抔土在留
遺築三讓風微出霸才隱隱波濤起震澤跋踈廉
鹿走荒臺塢中賸有桃千樹每到春風次第開

題南野草堂次韻

半只清文采詩異

弓河曲處石欄斜高柳踈踈屋角遮風靜奉帷人
問字雨餘攜鏡自栽花精心覓句堪投錦老眼觀
書不隔紗啼鳥聲多車轍少直教蕭寂似山家

題唐子緝照

觀此誰云骨相寒鳶肩火色面如盤一杯到口先
拚醉萬卷撐腸得自寬刻鵠雕龍成鑿空談詩說
劍總無端怒飛畢竟雄心在浩蕩天風振羽翰

尤文簡公遂初堂

荒基斷礎足淒涼道是先生舊講堂早向東林推
入室晚於南宋號靈光一生著述源何遠四世絲
奕溪詩鈔卷三十六

三五

綸澤更長我亦齋心探道脉每從祠下肅冠裳

龔南濠南標

大字高文號桂山善飲寡言笑爲詩不自檢

點拈筆輒成皆不存橐裏天風灑

蕉花吟

有片

窗前植蕉數本十年而花兩發前次爲風所摧

今秋始得成蘂喜而作歌

金風夜碾青玻璃綠雲覆日流輕颺鄂然一蕊凌
秋出韡韡中擎却倒垂色比鶯黃淡而艷形同菡
萏舒還斂瓣含玉瑄七八枚滿貯瑤漿塵不染種

蕉十年花兩發前度封姨曾見伐今朝復此覩瓊
英質重神寒氣清越惜不移將植漢庭玉露不用
金盤承惜不移將植茂陵長卿消渴肺腑清日夕
對花飲甘露置身如在琅玕圃昨來兩腋清風生
夢入藍橋覓仙姬

題朱湘楫閩重陽登高圖

朱君善畫工畫山淋漓潑墨追荆關孤雲一片出

新意尋常杖履非人間家住九峯二泉側圖成閩

九同躋攀百年僅見兩京月

崇禎壬午閏九月至
今丁巳計九十七年

別有風光畫圖綴紅葉爭飛露較繁黃花無恙寒

梁溪詩鈔

卷三十六

三五

逾潔對客猶誇漉酒巾歸來依舊柴桑人香山獨

飲又千載

香山有閏九月
九日獨飲詩

白水青山常不改當日

若逢工畫者豈無藁本流光彩我輩登高潑舊醅

賦詩何必白衣來相將選勝重重九認取斑斑畫

裏苔

石浪菴山樓社集分體分韻

得七律青字

植杖層波掛酒鉞春風良會屐初停樓高百尺虛

窻白浪湧千重列岫青閒就客吟泉土石話同僧

過竹邊亭醉於馬上乘船過松外春濤萬古醒

尋碧山吟社遺址懷興復諸先生

興廢非偶然當年事猶昨只今久淪滅屈指頻驚
愕廢池春草封古蔓殘碑絡青山獨無恙空翠向
人落我欲共素心卜此山居樂回念山中人高風
久不作俯仰竟茫茫斜陽沒村郭

擬陶靖節歸園田詩

五首
存二

衆人營旦暮志士愛邱山邱山勢岑寂嗒焉義皇
年好惡隨異同是非謬天淵所見局所處歸歟返
園田園田足清賞澹蕩心目間况乃風日佳有酒
盈我前依依素心人漠漠隔雲煙惟茲籬下菊晚
節凌層巔百年曾幾時一日聊自閒觴至勿復辭

梁溪詩鈔

卷二十六

三

伊鬱胡云然

昔我住幽燕悵憶清溪陌碌碌車馬喧何如晏居
適登山就吟社尊酒共斯夕荏苒幾流光彈指條
飛隙與世本無關於心何役役丈夫苟有遭胡爲
董舌續出處會有時欲速竟何益

鮑明經鏞

字藩宣號梅山歲貢生操行端謹工制藝

其門下士多早達而梅山獨窮困以老年

八十餘卒時邑大尹全椒吳公鉞好賢禮

士聞梅山歿弔而哭之哀厚賻之

林風新年
十字紅雲路千門霽雪天人多懷少日我亦愛新年
讀畫聯三友流觴過二泉梅花倚巖戶一笑是因緣

華掩扉

野田雀啄豆花稀鷹犬烹來狐兔肥田父更防南
澗虎北風如吼掩雙扉出入嶽嶽餘愁澹天覆

朱雲谷延鎮

字御六號雲谷國子生河工効用官河南

獲嘉縣縣丞

梁溪詩鈔卷三十六

遊仙

三七

海客何知五岳遊山人難與論滄洲昨來借得紅
藤杖只把乾坤一擔收

醉裏看雲似畫輪真仙出入桂旗新悠悠天路何
時到生怕銀河碾作塵
華處士薰

字虞弦居邑之蕩口慎默寡營足不踐城

村居

村居頗自適如水戶庭清累月惟登閣經年不到

城鈎簾看鳥落倚榻聽茶鳴薄暮踈林外秋雲十里平

松逕

獨留古色晚蒼蒼一路清陰映帶長幽籟作濤泉
谷應春花吹粉澗池香山深未夕雲先暝樹老橫
秋月易涼片石正宜琴客坐撫弦聊與寫煙霜

秋日感懷

征雲冉冉雨濛濛無限閒愁屬望中信爲情慳成
抱柱恩因愛奪願當熊白頭始悔吟愁句青塚何
勞怨畫工千古有心爭一瞬滿庭黃葉嘯秋風

梁溪詩鈔

卷三十六

三

黃贈公廷升

字勝城號毅庵國子生以子世法

按察使照磨吾師鄒二知宗伯傳之毅庵

喜購書好賓客月夕花晨折簡召友刻燭

分箋輒終夜不倦作詩極多而錄存蓋少

仲子世則輯其遺集曰楞伽山人彙藏於

家毅庵性嚴肅不苟言笑課子鞭扑殆無

虛日及待臧獲童婢又藹然樂易無疾言

邊色一時族黨媼戚薰其德多自愧者

雜言

詞人如春蠶讀書猶食桑食桑會作繭縷縷新絲
長光采出機杼黼黻成章無柔則無絲安得蠶
繭黃奈何食桑少致使蠶工荒

送李如金甥北行

戚戚遠遊子高堂垂白頭行裝猶未束暗淚各先
流菽水他鄉夢風霜季子裘早歸應切記兩地易
悲秋

秋夕集司馬效茲樂志軒分韻得歡字

林深室先暝簾動響琅玕永夕聯今雨清秋足古
歡鬚眉知已在肝膈與人看千里憐征雁呼羣夜

梁溪詩鈔卷三十六

五

正寒

登南禪妙光塔

一粟滄溟渺大千憑空湧出妙光圓落花吳楚帆
檣外栖鳥齊梁棟宇邊錫嶺一枝鈴自答金波萬
頃影雙懸層層倚徧闌干角可許詩傳兜率天
飯山閣同華曠軒未若愚司馬效茲次天鈞

上人韻

寒食寒于三月三嫩晴天氣愛江南杖藜直上飯
山閣呼酒徑開彌勒龕湖海客吟花雨榻石林僧
掃夕陽庵古人經世非無術可恠嵇康七不堪

楊秀才炳斗十六

字瑞五一字炅山諸生世居邑之江溪橋

以博先生猶子也性耿介葉大中丞存仁

自觀察淮徐卽延入幕十餘年敬禮不衰

入都落落寡合惟與同邑張有堂泰教庵

兩先生善歸益貧教授鄉里讀書一字不

放過嘗有丁丑二月晦詩云屈指堯元到

來莫畫此辰甲辰六十九回句四千一百餘三歲

得則寄三十六句過二春句人謂其斗室中無日

春不神遊帝世也著有蔭柳片雲南浦等集

梁溪詩鈔卷三十六

四十

春感

柳眼青青舊雨招桃腮冉冉晚風嬌無端二十年

來夢畫舫清歌倚絳霄

袁浦依人屈指二十年矣

戲歌得待丁丑二月晦詩云屈指堯元到

來莫畫此辰甲辰六十九回句四千一百餘三歲

得則寄三十六句過二春句人謂其斗室中無日

春不神遊帝世也著有蔭柳片雲南浦等集

春感

柳眼青青舊雨招桃腮冉冉晚風嬌無端二十年

梁溪詩鈔卷三十六

梁溪詩鈔目錄卷三十七

國朝

乾隆四

龔解元錫純

三首

黃明經印

四首

過封君炳耀

九首

張秀才鴻正

四首

楊清華德冲

三首

楊學博德文

七首

宮傅張文恪公泰開六首

澹園胡先生在一首

顧秋圃忠

十三首

梁溪詩鈔

卷三十七

目錄

顧嘯軒龍振

二首

顧教授乾

四首

蔡處士紹元

十一首

秦儼亭義均

一首

朱香雪廷鑑

一首

蔡西村烜

一首

莫古桐健

三首

華長公纓

一首

杜逸軒漢階

三首

梁溪詩鈔

王處士曦

一首

俞寄齋鳳翔 二首

秦封公春田 一首

華東里紳曾 一首

華半江淞 二首

秦明經躍龍 一首

邵明經之鵬 一首

趙布衣繼益 一首

華桐川宏顯 一首

華韻濱三曾 一首

殷處士恂 一首

華秀才永 一首

張處士鉞 一首

孫上舍替 八首

陶秀才履中 六首

施主政鼎 一首

朱秀才錦江 二首

以上共三十五人

華東里紳曾 一首

秦明經躍龍 一首

俞寄齋鳳翔 二首

梁溪詩鈔卷三十七

國朝 梁溪顧 光旭 華陽氏集

龔解元錫純

字侯復號問渠辛酉解元平生博綜羣籍

尤專於三禮所著有周禮私測儀禮私測

祭禮拾遺四書指要邗江草西霞新編步

雲樓詩草藏于家

二泉書院

江陵於分宜相去一間耳分宜無不至江陵亦誠

梁溪詩鈔卷三十七

鄙但看鄭鄉校書院曷可毀毀之甚防川天下紛

然矣朝野乃相持豈復有國是巋然魯靈光二泉

書院九龍峙文莊去已久並移忠定祀邵文莊祀李忠定公於此

後李裔移建專祠固賴賢守令虛堂亦可委清風吹竹林

清泉流不已在下師文莊在上僑可企不聞古大

臣休休無他技東林志以二泉書院獨存謂神靈呵護余謂是時固無講學其中者

龔讀楊椒山先生疏

不識君臣義安知逢比仁椒山自有膽浩氣欲成

春當路驅豺虎懸羅挂鳳麟兪州漆血淚遺墨自

常新王元美哭椒山於東市旋於家搜得遺筆半紙

遊平山堂同華師道作

漫將儀禮質歐陽稽首文章太守堂門下曾蘇開
北宋眼前桃李屬東皇捲簾山色江南好刻竹歌
聲閣外長只有醉翁能獨醒後生何處問津梁

黃明經印

字堯咨歲貢生家貧老屋數椽不蔽床席
手一卷置筆硯於機杼刀尺之間丹黃不
已喜讀易與朱君紹川及余從兄雙溪朝
夕過從相與反覆辯論無虛日辛酉南闈
已定魁得而復失士林惜之所著有易象

梁溪詩鈔

卷三十七

二

質疑若干卷其門人楊掄輩擬梓之未也
又有錫金小志藏於家

春水

春水門前過落花天上來竹竿絲嫋嫋長倚釣魚

臺

黃喜星五獲解

桂樹高千尺非時不許攀朱衣竟何似青眼若相
關經世文章貴生民稼穡艱雖無干祿志且爲解

慈顏

同朱紹川顧宦羣南華經喻玉泉先生墓

一綫龜山脈迴溪名里到玉泉斯人不可見大道竟

誰傳露草人如雀風花蝶似仙遙遙南宋後五百

有餘年看菊

年年插棘引寒葩種藥分畦傍水涯穿徑掃雲尋

好句過牆送酒仗隣家謂紹川星五皆余隣披星早約亭亭

幹和雪還培細細芽靖節當年定如此滿收秋色

上籬篔

過封君炳耀

字聲宏號蓉溪國子生少攻帖括屢試京

梁溪詩鈔卷三十七

兆得而復失年六十再踏省闈終以不遇

自是閉戶不出吟咏自娛晚年遵例

敕封儒林郎 贈贈祖父如制年七十二卒

田家冬日雜詩

踈踈原上樹淡淡門前山農家滌場畢喜報歲功

完稚子拾遺穗羣聚喧陌阡喧亦非詬厲聚亦無

尤愆豈彼赤子懷實荷皇天全今年雨暘若又沐

太守賢舊累旣蒙洗新衣且裝綿婦子不啼飢雞

犬亦晏然入畝

東家一蒙師東修恃年穀年穀旣順成師道亦敦

朴所說惟詩書相逢講媿村中有蕩子感此歸
耕牧村中有寡婦守此羞膏沐昨自城中歸爲數
聲上幾大族祖宗修厥德子孫食其福父老爲咨嗟
子弟自約束庶幾日循省遷善若不足

華屋不堅牢再過今爲墟絲管曾幾年斯人皆焉
如父老顧我笑謂此理不虛仁暴本由已盛衰相
乘除有女不閑家有子不讀書讀書亦何好明理
復其初所以田野中或帶經而鋤一朝起田間鳴
玉佩金魚如何悉反是猶不慎其餘多謝父老言
吾里實聞諸

梁溪詩鈔

卷三十七

四

風氣野先寒吾亦愛南榮儼然坐南面萬卷擁百
城融融朝日麗靄靄夕景明取足几硯間獲見天
地清安知葛天民且爲陶唐賡持杯一高詠半夜
鄰里驚且驚亦且喜忽忽歸無聲

陶公歸田園愛此景氣諧東籬菊已萎南山亦何
佳日夕於其間長嘯將何懷不慕廣田宅又不惜
筋骸千載思其人邈然不可階稷契竟何等颺拜
亦可偕生逢晉宋禪乃與時運乖擁褐茅簷下吾
亦田父儕家世近芙蓉

山名蒼翠滿青鞋

雨中過倪雲林墓

松楸常在望一歲幾經過烟水浮家日風塵奈爾
何遠山餘淡墨疎雨起微波片石孤烟沒漁樵向
晚歌

秋晚過秦園適值公讌避之遂登酒樓獨酌

醉後作

習家池上最風流却道山公醉未休殘柳影斜還
繫馬折荷聲亂不驚鷗且同太白三人飲更上元
龍百尺樓借問泉邊明月下有誰獨跨九龍遊

昨夜

昨夜風霆昨夜舟一江波浪拍天浮濕雲吐月懸

梁溪詩鈔

卷三十七

五

珠網片片落紅隨水流

吳門歸舟遇雪

漠漠同雲閉館娃綠尊紅燭惱箏琶五更風急金

雞汎破曉披蓑看玉花

張秀才鴻正

字體仁諸生初名龍鎮後改今名止齋先

生之裔也績學工文至老不遇嘗遊滇黔

歸仍教授里閭以終著有卷阿草堂詩藏

於家

過常德有感

五世祖紘所公諱夢時初任常德同知下車兩
月獻賊兵猝至同城文武盡逸公督兵民守三
日伺其懈擊之斬獲無算督撫令殲餘賊之嘯
聚者公論其降以報事上聞思宗喜曰此奇才
異能也嘗不次內用温相害公東林沮之運甌

山東損貲築海塘工畢卽告歸

獨木又非大厦梁元黃血戰徒忙忙涇陽倡道屢
追奪忠憲殉義沉方塘國脉割割喪元氣帝怒降
罰生貪狼氣吞雲夢已八九武陵傾圮無完墻衢
巷哭泣官吏走干城失恃將誰望我公佐郡甫兩

梁溪詩鈔

卷三十七

六

月慷慨誓衆無張皇努力忠孝死守決我在不得
隳金湯伺賊三日五更懈揮戈陷陣殲猖狂羽檄
騰上大吏喜令入淵藪殄餘殃公曰是皆赤子逼
凍餒玉石俱焚語不祥歸者吾民嘯則賊殺渠待
命榮冠裳頃刻妖氛靖七澤御書親製輝琳琅天
心方倚主兵柄温相獻間言如簧東林講道觸世
忌運甌東魯浮輕航築城捍海績奏蚤憂讒子告
趨行裝我公本自貴公子貴藩遺愛來衡湘下車
父老慶嘖嘖相公有子吾民康迄今舟次頌不輟
兩世蔽芾稱甘棠嗟嗟我公公輔器顧高道誼參

翱翔所生不忝友靡愧權奸下石庸何傷君不見
檜嵩二賊陷岳楊流遺芳臭今彌章

謁貴州貴陽府府城隍廟有感 并序

六世祖澄齋公諱子仁明嘉靖中叅藩于黔有
惠政擢黔藩終養歸家居遣僕出外夜中回至
毘陵見官船三號明燈鼓吹侍衛森嚴豎鎮江
府城隍司牌中窗冠冕坐者乃家主也大驚趨
歸則已無病而終三日矣康熙初有貴陽富翁
患病萬里來錫設祭品於吾家振緒堂以爲轉
貴陽府城隍司矣丙戌因赴劔川便道拜謁敬

梁溪詩鈔

卷三十七

七

賦一律亦疑以傳疑云爾

不信芙蓉主車旗到眼真去留碑墮淚遠近澤遺
民振緒堂中影毘陵水上神傳家忠孝在負荷是
何人

岳陽樓

年年波撼岳陽樓雲洗湘娥鏡裏秋明月一方當
檻入可憐高貯古今愁

過桃源

人說陶公是寓言布帆今日過桃源一條春水漁
郎路却有桃花流出村

楊清華德冲

字若元自號清華居士曷齋先生仲弟生
平不見喜愠之色而樂成人美所居有池
亭花木之勝擁書萬卷課其子孫著有清
華堂吟稿

遊華藏寺

寺廢吳天白松雲不盡浮氣蒸初入夏麥秀已先
秋麋鹿留賓住湖山挈伴遊夫差今未醒沙上自
眠鷗

姜夔花藏詩夫差醉
遺宮巨浪搖不醒

雨窗嘗墨酒適星若寄鱸魚至有作

梁溪詩鈔

卷三十七

八

多病閉門久連朝雨似麻凍雷驚燕笋殘雪悞梅
花墨酒味逾美鱸魚名可誇自斟還自勸醉裏度
年華

呈鄒魯常姊丈并示式南甥

老狗兒曹意辛勤暫息肩家貧慈母瘁子少丈夫
憐不盡書中粟寧論郭外田共承先世澤收拾舊
遺編

時方議
均產

楊學博德文

字鶴冲號健齋辛酉舉人登乙丑明通榜
官蕪湖縣教諭著有澹寧山房稿雙溪爲

師與人之序其從弟雍度刻以行世

冬日讀書遣懷二首

凍雲凝不飛萬象含悽瘦飛廉張其稜庭暄無宿溜
啾啾瓦雀鳴戢戢寒籟仆勞生哀須臾日夕變
氣候譬彼蟻逐磨紛紛不顧後莫邪與干將晶氣
騰宇宙豈其在冶時而自先躍吼嗟彼歲寒人披
褐獨自守

舉手捉明月明月幾曾墜舉口吸滄海滄海幾曾
匱世人何貪癡自罔還自憙探彼驪龍珠偶亦遭
其睡茲理固無常何用伎且悸爨下火遞傳勞薪
梁溪詩鈔

卷三十七

九

自爲累貴賤自有時榮辱詎一致吾慕楊子雲寂
寞太元意

舉手塔映莊訪桂上人

天氣日夕清萬象紛在目遠山螺髻旋淺水魚鱗
蹙隔林人語微雞犬答空谷此中有高僧瞑坐憇
茅屋蘿扉風爲開花徑羅雲族几榻青苔生茶煙
媚幽獨我蠟阮爭屐間來訪金粟塔影空獨圓衣
裳淨寒綠

書米襄陽瀟湘八景圖詩卷後

洞庭天高木葉飛瀟湘水雲吞九疑悲風橫吹暮

雨急孤舟婦泣哀，猿啼扶桑朝。噉嵐島峙酒旗晴，
市村烟吹棹歌中。流起欸乃蘆花隻雁懸，漁衣斷
霞浮空倒千刹。天清鐘磬鳴漣漪，沙鷗蕩漾白波
沒。行人遠渡斜陽微，朝昏氣象忽千萬。天地逆旅
空煙磯，江邊何人泛秋月。古來黃鶴無人騎，我生
羈遊托蓬根。煙霞何處尋幽期，襄陽米顛好清興。
丹青一幅瀟湘詩，眼前奔濤懼翻覆。紙角生翠流
芳菲，疎櫺披吟白日靜。卧遊三日神忘疲，乃知詩
人眼力破天奧。摹寫真宰直使天工悲。

廣陵懷古

梁溪詩鈔

卷三十七

十

香消南國美人妝，烟雨迷樓總斷腸。今日綺羅絲
管裏，春風吹不到雷塘。

其午睡

飄搖綠翻除，狼籍書積案。晝長睡未醒，苦被疎蟬
喚。坐揮塵尾塵單衣，被微汗不蠟。阮孚屐莫學稽
康鍛，人生貴無事好事非。自玩胡爲飯牛人，浩歌
白石爛。

獨坐

天涯雲去盡，獨自倚殘陽。山鷓啼晴晝，村鐘度晚
涼。半庭花妥月二夕，夢堆牀。却怪雙魚杳，低徊思

故鄉

宮傳張文恪公泰開

字履安號有堂壬戌進士累官都察院左

都御史加太子少傅禮部尚書卒年八

十有六論祭葬諡文恪著有樂泉詩集

文恪晚達年五十餘入翰林以鄂西林中

堂薦入書房

寵眷優渥半載三陟其官在上書房二十餘

年至老不倦嘗坐累逮獄

上察其誣文恪猶不置辨以是傳忠勇公益重

梁溪詩鈔卷三十七

十一

文恪事既白

聖主深恩有加無已年八十

予告回藉

御製七言詩寵其行有飄蕭白髮三千丈敢迺

青宮二十春之句朝野榮之歸與鄒宗伯

小山輩爲十老會崔髮童顏又六年而歿

時元孫瑞芝已二期矣

華嶽

五度仰泰岱今復來關中關中設天險河岳環秦
封陰陽畫兩界軒豁開鴻濛突見太華峙直與八

柱崇岌嶮五千仞俯瞰咸京東終南及太白呼吸
帝座通我來正秋杪霜花結晴空縹緲仙人掌森
秀玉女峯下有十八盤排列兒孫同雲物多變態
游屐誰能窮昔聞柱下史青牛記仙蹤墜驢發長
笑亦有希夷翁昌黎頗好事歷險搯枯筇謫仙發
清興鼓勇披蒙茸賢達喜周覽竊願相追從放眼
眇滄海揮手招冥鴻會當振鵬翮一舉凌罡風

渝城卽事

巡檐花木鳥綿蠻消受江城景物閒何事客中頻
早起鈎簾危坐看巴山

梁溪詩鈔

卷三十七

十一

守歲

暮景光如駛連宵絳燭然自憐仍故我却喜又新
年兒檢通家帖孫譁押歲錢老夫無一事枯坐半
成眠

丁卯仲春秦味經少宗伯邀遊玉泉山西湖

卽賦

芳郊聯袂快招攜草軟沙明趁馬蹄社日乍開雙
燕幙晴煙初放綠楊稊千重山色排青嶂百折泉
流捲白霓久說蓬萊今始到 鑾輿常駐五雲西

出居庸關

居庸天塹控遙邊匹馬能當十萬弦開府貂璫尊
一品護陵鐵騎號三千軍都王氣消磨日長白

真人禪受年亘古雄關稱地險內官遺禍鑒從前
定州無魚州守餽二尾有賦

紅尾青髻尺半圍江鄉風味此間希漫勞安邑猪
肝餉絕勝吳淞鱸膾肥翠釜搗薑香細煮晶盤落
筍雪橫飛他年歸向蓉湖住擬買村南舊釣磯

澹園胡先生在

光旭受經師也字庭瞻號澹園諸生爲經

師五十餘年年七十七卒吾師啟迪因時

梁溪詩鈔

卷三十七

十三

曰無欲速速成無大器循序則樂而易入
躡等則艱而鮮功其教以引而不發使人

自得爲主而言乎古必該乎今著於理必
極於事學者雖未易窺見本原固日有進
而不知也光旭受知最深而自丙申歸里
距師之歿二十年典型不遠遺稿散佚其
咎奚辭茲從故篋中得曩所錄詩一首猶

吉光片羽也

四君歌

并引

四君者筆硯紙墨也書帷不卷似有人開午睡

初醒若爲予告蘇老泉傳文字之祥晉右軍著
陣圖之用斷金碎玉濡染銀豪類月涵星交光
雲葉下士所無信矣故人相對依然同有好懷
用訓長句

庖犧手畫天地開未有竹簡奚刀書當時四君在
何處其道自寓皇墳初我昨隱几遊華胥道逢四
君來揖余巉巉崇巖出清氣五色雲心龍吐珠衆
星燦燦列奎斗涼風拂拂吹林於元霜古煙落松
翠麥光搖動連雲鋪四君不言發微粲諦視頗得
詳形軀一人綠睛面鐵色一人銳頭微有鬚一人

梁溪詩鈔

卷三十七

十四

白皙脂凝膚一人羔裘豹飾祛云是松滋古大夫
銳頭公封管城子昔者韓愈嘗傳諸楮先生名見
史記石君家世端溪居茲四君者相友善仕止久
速必與俱譬若子房招四皓婆娑殿上相追趨不
爾林泉結鄰住溷跡闖亦自如坐榻無氈塵不
除相視莫逆來吾廬爲君沽酒滿眼酤酒酣高歌
意踟躕乞君一言君曰吁子知架上卷軸乎孔子
臨河喟然返蒙恬實始招吾徒暴秦無道且坑儒
焚書豈復存典謨吾輩掇拾煨燼餘聊與後世明
區區如今縹緗供蠹魚汗牛克棟良愧吾或且編

柳兼截蒲知子用意亦不殊勉竭吾力爲馳驅成
敗利鈍吾誠愚余始警寤猶蘧蘧日映書籤日欲
晡彼四君者竟安在筆牀鎮紙硯墨濡嗚呼噫嘻
四君是爲薦寒菊霜花腴捲簾助我歌唐虞

顧秋圃忠

字友京諸生天石公長子所著有逞深齋
附稿秋圃詩鈔雙溪兄云伯父壯歲遊歷
楚蜀齊越間詩益絢爛晚年寂處乃神似
放翁矯矯如天半之鶴峭峭如霜中之竹
今遺稿散佚幸存朱欄香手錄一卷皆中

梁溪詩鈔

卷三十七

十五

年以後作諤齋兄云伯父蹭蹬場屋食貧
以老做廬數椽在南郭外風雨不蔽意泊
如也

贈鶴

碧落茫茫路本寬稻梁雖好豈懷安
逡巡池館梳翎意浩蕩雲霄側眼看
警露無聲常闕寂附書有約肯盤桓
怪他斥鷃槍枋上翻笑飛鳴九萬搏

滄浪亭同楊若干作

臨水何須更傍山一拳邱壑借塵寰
誰其有者庸非我得許頻來豈等閒
酒肆勿嫌鄰寂寞茶鐺且

與袁溲浚菜備牧豎相嘈雜祇訴茅檐飽暖艱

東朱五欄香

判年客西江忽忽垂橐歸自秋徂冬春三豎苦肆
威出門旣鮮歡禁足長闔扉閒繙行役編前遊想
依稀叢殘敝篋中自笑完什希念欲付祖龍而重
爲歎歎猶憶塗抹時妄謂或庶幾稂莠詎盡芟阡
陌畧暗晞譬彼無名花春來亦菲菲又如腐草螢
宵行美餘輝把玩固不堪寄託意頗微或曰始補
綴天吳短褐衣因之復有作呻吟忘是非吾友欄
香子咳唾霏珠璣騷壇盛赤幟試拈恣指揮愛我
梁溪詩鈔

卷三十七

十六

獨忘醜索觀屢奉幃忸怩就商酌聲病瘳可祈慎
勿示他人老矣畏訕譏

憶嚴灘

歸來忽憶過嚴灘曾肅衣冠拜石壇畫壁龍蛇仍
漫滅刺天松柏亦凋殘桐君故里雲山近朱噶歌
聲涕淚乾此日臨風重惆悵幾人能不負漁竿

過殷其章故里有感

莫愁湖畔昔淹留三徑重來問舊遊酒肆猶然傳
斷句秦關不復返貂裘悲風古道應多恨落日空
庭別有秋我比羊曇倍悽愴幾番揮淚過西州

彈丸國土寄江臯也復清談踵六朝殷鑒竟忘陳
後主仙根枉託老神堯水流花落春都盡客夢羅
衾恨未消小令只今畱幾闕淒涼不任管弦調

偶成

薜荔墻低面古堤度阡越陌杖頻攜齒搖那復思
吞篆劍澁何當蹴舞雞百尺樓高誰上下三間屋
老任東西從他歲月如梭擲獨喜靈光未盡逃

衡門效劍南體

兩版衡門面綠疇聽鸚拄杖任夷猶飽看摩詰詩

梁溪詩鈔

卷三十七

七

中畫盡破桓伊笛裏愁蓋世功名由本分老年衣
食肯營求閒從田父占晴雨一事關心是有秋

初冬再送榴香

楓林夕照望中酣分手斯須復駐驂書記卽今誰
阮瑀舊人如我亦何戡已更行計應難再重唱陽
關又第三迴憶離亭前度柳折來猶見綠繆繆

石門東楊東表

恨不攜君續舊遊爲君先路覓丹邱未知門待何
時敢須信仙非有意求觸石層雲疑太古薄人嵐
氣總深秋炎腸熱症能消骨一劑清凉到此投

咏走馬燈

豈是咸陽楚炬紅也非赤壁走曹公一星祇合分
江上百戰驚看戀箇中金鼓誰家疑助陣喧呶何
處似爭功落燈夕近烽煙靖蠻觸紛紛轉眼空

吾廬二十韻

吾愛吾廬好居然在澗阿庾園曾作賦蔣徑孰相
過滌圃受明月披牆分女蘿不須愁鬼瞰長爲謝
鄉讎逆旅姑投足勞生任擲梭葢頭茅若此果腹
計如何盍莫盈升斗裳唯製芰荷寒擅真戀我眩
篋笑由他聞說王侯第常營錦繡窩千門勞鎖鑰
梁溪詩鈔卷三十七
十笏渺山河廼畢斧斤築旋張燕雀羅臨春朝奏
曲商女夜停歌豈乏綢繆計其如風雨多樽空悲
北海夢醒笑南柯陋巷無妨樂浮家且狎波生平
原鈍拙時至亦蹉跎短策雞豚社扁舟漁釣叢竹
窗歸偃仰老眼屢摩挲所望田疇美無愆歲序和
免憂珠與桂飽卧老僧窠

病中喜朱五欄香偕陳翁掌衡見訪卻贈

竹榻呻吟梳白頭叩門却喜有羊求羨君早訂看
山約笑我慵舒望遠眸稻隴香生三寸雨柴扉坐
老幾分秋且當扶杖橋參伍把臂溪邊上釣舟

顧嘯軒龍振

字凌蒼諸生有嘯軒詩鈔

無眠

何事尚求全不才休問天蟬聲秋暮客鴈影夜深
船小病淹逾月長愁怕近年孤燈耿耿在擁被正
無眠

晚行

只有雲山愜所求無家行路任悠悠羣鴉噪晚孤
鴻遠萬木凝寒一水流秦岳未應慙趙瑟緼袍豈
必傲狐裘蕭然無與涇臯望筆墨而今且亦休

梁溪詩鈔

卷三十七

十九

顧教授乾

字用尊號惕齋壬戌進士官池州府教授
其詩雲家貧力學窮經外一無嗜好嗜茶及歸老
涇臯足不出戶晨興洒掃即自烹茗啜之
談經終日不倦嘗曰寡慾莫善於讀書爲

池州學署作

酒掃池陽半畝宮弦歌聲遠水流東月窺孔席餘
殘夢花落顏瓢有素風此外無奇峯似玉箇中自
得氣如虹瀉湯久識茶三昧手自烹茶活火紅

九日同人慧山登高歸舟有作書聞王曾志

四時佳景重陽最千古登臨我輩同縹緲長繩難
繫日颼颼破帽不禁風羞從白首過吟社滿載黃
花上釣篷新茗烹來雨前綠蕭蕭兩岸醉丹楓

積書巖下小憩

在端文公祠內
梁汾公所築

積德百年興禮樂積書萬卷拜蒸嘗我來半日蒼
巖下山鳥銜花當瓣香

金蓮池水起微波士女年年橋上過記得纈塘秋
雨歇看人來往數上青葭

巖石苔封蝌蚪文秦皇鳴外未曾焚若教世世常

梁溪詩鈔卷三十七

三

能讀何處青山不出雲

蔡處士紹元

字文清號西疇居邑之板村今其地藜尖

橋西疇所築也西疇一無嗜好獨好吟與
二三詩友相對銜杯築村南烟舍終焉卒

年七十著有拊掌剩藁

初冬喜王蓀服乞假南歸

釋褐初登鷓鷯行乞恩定省促歸裝人生底事
娛親好晝錦堂前話帝鄉

丹楓黃葉小春天好浣淄塵第二泉若問王曾志

何事君民堯舜韻朱絃

蘸將鴻筆灑爲霖點入江南父老心我望古人思
一見直從韓范到如今

立春日西村話雨

送臘雨連夕迎春酒數杯兩山當面落一水到門
迴饒乏擘麟手詩慙繡虎才縱談多故舊更漏莫
頻催

聞天鈞上人移住華藏寺欲其速返故林却

寄

古寺重湖外眞僧無住心彌天飛有錫初地布皆

梁溪詩鈔卷三十七

三

金敬仲烟痕沒王公翠影深

寺壁舊有柯敬仲畫
松王孟端畫竹今皆

無春風杜鵑發莫忘舊禪林

石林杜鵑最
盛師故居也

酬王五福

莫笑先生屋打頭白雲多貯短窻幽批風抹月老
無用課雨占晴期有秋折得芙蓉還茂叔飛來蝴
蝶認莊周三年小住華胥國欲擬菟裘置一邱

時擬

築室
邨南

次嚴丹生韻

連朝風雨壁欹斜拄杖相過路未賒曲水東頭深
竹院石橋南畔野翁家一生幾費遊山屐兩部爭

鳴遶徑蛙滿載二泉期結社衙門留客有新茶

兼雨丙寅除夕

臘盡今宵火急催故應青鬢各摧頹千村日落歲
云暮半壁燈明春已回過眼繁華流水去惱人心
事逐時來癡鼓賣去紅爐點且命兒童撥凍醅

莫問荒墟長短更湔除傀儡且教平寒梅向我傳
春信臘酒隨人學世情耕鑿清時安舊業登臨佳
日趁新晴來朝共觀風光轉第一村前好聽鶯

村南雜咏

綠溪水滿柳條長此樹婆婆老更狂爭似森森抽

梁溪詩鈔

卷三十七

三二

碧玉行鞭新笋列成行

映兄小試戰捷王子代爲詩贈之如老人胸

臆間語兩窗無事戲呈截句四首以復王

春詠子

存

知時好雨徹殘更曉看分秧逐隊行牛角挂書誰

問字前驅甘作老門生

臂痛經旬轉輾卧榻漫成截句二首

存

投老真同秋社燕倦飛何異凍癡蠅藥爐相對風

兼雨絮帽蒙頭守一燈

秦儼亭義均

蘇詩集 字敬資稚川廉訪之兄著有含煙閣集

湖山行

停橈走東山步步磨屨跡初疑絕徑阻迴峯路轉
關踈松蕩長風颼颼散晴碧微聞樵子聲何處仙
人奕坐蔭蘿陰清俯瞰雲氣白流出前山鐘蒼岩
露新月

朱香雪廷鑑

字夔一有詠錫山古蹟詩一卷名香雪齋
風雅託意甚高吾於是取焉

梁溪詩鈔 卷三十七

倪高士雲林故居

抱潔竟何往煙霞與卧遊懶非充隱逸高不事王
侯心跡雙清絕江湖萬古流故林還似畫澹澹片
雲收

蔡西邨烜

字暘谷諸生有西村詩草杜雲川太史謂
其村居雜詠閒澹有儲王風

漁父

臨流忽悵望幽興讓漁師泛宅數家住生涯一釣
絲鳴榔新月下晒網夕陽遲領取江湖樂魚肥酒

滿卮

新莫古桐健

字文叔諸生著有古桐詩草

題菰川莊

按莊去菰濱橋三百餘步明華補菴先生別業捨為寺名福成菴

裙屐風流地淒涼一水邊鄰分栽藥圃門對種瓜

田綠雨荒堤竹紅衣落渚蓮吟成倍惆悵明月下

菰川

追悼江三省

只今猶是淚沾巾總為斯人迴絕倫無命文章梁

妙士有情歌哭楚狂人連牀夜雨三年夢孤櫬空

梁溪詩鈔

卷三十七

三

堂一尺塵襦祿遺雛誰復顧平生風義愧交親

只今春夜清溪泛月

按朱欄香筆記曰乾五為予言此文叔絕筆詩也

擊楫高歌天四圍傷春懷古送餘暉溪山無主催

芑屨花月多情哭布衣絲管誰家浮桂櫂鳧鷖是

處上漁磯梁鴻范蠡精靈遠煙水空濛獨鳥飛

華長公纓

字飛翮太學生劍光先生長子

集望益樓分韻得月字

樓在鄒園今屬錫山書院韓城張公題額

神仙尙難畱歌舞良易歇茲地幾興廢英靈自公

發面山敞高樓依簷蔭林樾蔚為翰墨場暉映山

水窟公身雖廊廟遙盼必拄笏偶來恣吟眺神理
坐超忽言披北窗風還邀西嶺月月生東海頭了
了見銀闕

杜逸軒漢階

字紫仙號瀛槎諸生著有逸軒詩草世醫

精于外科

五湖懷古

一睨三州無數秋五湖風景短篷收天臨上下青
煙抹地圻東南皓月流山色不隨西子去濤聲偏
爲伍胥畱欲澆魂魄須千斛七十峯尖當酒籌

梁溪詩鈔

卷三十七

三五

哭鄒鯤程

嗚呼吾友不可死上有老母下幼子母老八十有
四齡子幼年纔八齡耳長女早寡次女幼季女呱
呱襁褓裡家徒四壁剩殘編硯田一片貧如洗憶
我昔年初識君兩人落落心私企相逢面目冷于
冰相交意氣濃如醴晨星厯落肝膽露真朋友若
命蹇遇合難生平不獲一知已曾向西秦作遠遊
半載往還踰萬里扶襯窮途挈孤寡伊兄鸞洲招
赴龍德任到
後兄殿扶非義錙銖絕染指茫茫天道竟無知不
襯歸里

客從燕都來狂飈吹馬鬣暮春雨愆期徂暑歎旱
魁何以藝黍稷何以活家室我侯才且賢日夕心
憂煎欲爲民請命難以力回天身齋與心齋祈禱
轉茫然前席問耆老耆老爲侯告邑之西南隅衆
山環若抱蛟龍藏其宮昔年旱曾禱我侯聞斯言
行之恐不早昨者篆析于曾向汾水雩三日雨滂
沱婦子盡歡娛徐溝亦旱侯攝篆時虔誠步禱三日內果得雨靈川亦子
民忍令泣向隅科頭且跣足徒步來空谷攀援登
其巔俯瞰足縮縮長跼切自責萬民見心腹捧茲
水一卮舉國聲如馳鼙鼓伐淵淵佛號誦遲遲感
梁溪詩鈔卷三十七
深報難稱肢體亦毀之天心殊未定恐未邀敬應
願減身壽筭高高動天聽何辜今之人天道豈冥
冥爲我謝火帝蒸雲陰四翳爲我勅風伯吹雨沾
九陌雷霆轟其聲電閃掣其明甘霖忽下沛大雨
及時行農夫忭于野官吏慶于庭四野盡優渥萬
民無訟獄史書書大有至足在菽粟從此禮義生
仁民移風俗

題介閣學野園小照

進步何如退步寬坐來無語覺神寒隱囊紗帽延
今雨竹影荷香寫古懽青史幾行鴻爪印黃梁一

料斯人遽如此託妻寄子力不勝撫膺不覺淚滿
紙

王處士曦

字乾五號草齋著有蓬廬吟稿

舟中懷欄香兼寄友京長衡兩先生

出入同里井弄月臨菰川蕭蕭兼葭影送我上江
船沿洄安得住一棹隨流去去日日以多寒潮沒
汀樹懷君多著書白露下庭除南邨數晨夕煙水
渺愁予

俞寄齋鳳祥

梁溪詩鈔卷三十七

三

字岐徵寄齋其號也諸生有志節工詩文
襍被遊京師入成均肄業益肆力經學公
卿皆折節與之交著有寄言四卷秦文恭
公稱其醇正通達其易卦圖說尤多發前
人所未發而寄齋十試不獲售居京師不
事干謁與人持論審諤不阿肄業期滿議
敘亦不就

庚申三月予自京適交至六月旱無雨交城

侯公憂之切步禱于邑西南青龍洞三日

得雨霑足民悅焉爰敘其事誌于篇

夢鳥啼殘煙波江上吾廬在乞與垂綸借直竿

秦封公春田

字賡和號溪隱宮諭對巖先生孫也少工

舉業與胡太虛蔡芳三諸先生為文字交

屢踏省門不售世父給諫南沙先生以藩

邸事牽連在獄十餘年公左右甚力其他

好急人難一本至性晚年季子震鈞官太

守公命倡置贍族田賜其宗人實則家無

一壟之植也公累封如震鈞官年八十八

卒

梁溪詩鈔卷三十七

三

錫山書院望益樓讌集

樓故愚公谷之枝峯閣也後各鍊石為羽

流所栖脩復之以屬錫山書院亦稱張公書院蓋督學使者韓城張公戾止于此顏

曰望益取江文通擬陶詩開徑望三益句也夏四月家君招同諸先輩及邑中名儒

挈羣從賦詩其中即用擬陶詩為韻春田幸陪杖履得與壇坫之末實厚幸矣

山水皆故物無窮日生生雨餘草木長寓目湛空

明伊昔茲閣中綺筵列雕楹變遷亦多端羽客來

吹笙何幸資講席吾道有干城達人無苟取所貴

非簪纓仔肩一綫微千載以為程薰風惠然至座

上枯桐鳴一倡復百和流韻金石聲試聽泉石間

好鳥鳴嚶嚶宏獎本性分三吳盛羣英

原註家君將延致三

吳羣彥倡
文字之會
斯文永不墜
大雅孰主盟
舌傳漢不

華東里紳曾
師文發
金石錄
正音譜

對賦字進思
太學生
工歐陽
率更書
王虛舟先

生高弟
詩神
音韻
正音譜

雲光篇
上南河
顧制府軍
詩神

出岫春寒到
眼融
非煙非霧
散晴空
頻移棊
几湘

簾外遙閃
青山綠水
中江漢疾
驅波漱
灑衣冠
微

惹日曛曛
若教飛
俯三台上
太史書
成報歲豐

華半江淞

字澗山諸生少工制舉文受業王虛舟先

梁溪詩鈔

卷三十七

三九

生最久大小篆書有出藍之目兼擅鐵筆

華半做秦漢章幾不能辨貧老無子獨居一室

恣日觀圖書自娛泊如也卒年八十有六

籀似與稽生導崑論篆書

義軒圖畫後文字從此始頡仰觀俯察六書分原

委象形爲字母指事著其似會意在比類諧聲母

生子假借借他義轉注音韻比子雲作訓纂公彥

任校理解字十四篇功推叔重氏五百四十部部

序有微旨一始而亥終楚金註所以五音韻譜行

此書沒荆杞諸家作訓詁立義有臧否說繁不足

徵正譌譌未已响嘯久無碑檀山亦妄耳陳倉獵
碣鼓至今石未毀太學戟門中妥置平如砥昌黎
作好歌傳誦百千祀信哉史籀書篆隸開邕喜祖
龍巡泰岱丞相書頌紀甯扁應勢行圓硬神其技
礫礫焚燒後重刻樹槐里燕瘦與環肥面目不同
矣有唐得李監一時誰並峙搆法繼籀斯鼎躍龍
騰水珊瑚交枝柯百世共尊美偏旁雖變易生動
在全體所以篆不亡至今稱二李宋代暨元明作
者亦踵起子昂天機清玉女弄瑤藥嗣各樹一軍
特不取俗士流弊至草篆識者心所鄙守正不狗

梁溪詩鈔

卷三十七

三

人汲古搜根抵神怡志專靜興酣筆落紙當其運
腕時霹靂不驚視圓勁瘦參差篆法備于此

秦漢印歌示導崑

鈕螭辟邪龜瓦羊色青紫黑金赤黃埋土剝蝕生
古香鐫鑄分製各擅場甯扁倒薤圓不方細膩熨
貼順陰陽鸞迴鵲顧驚翔翔兔踈烏立跛騰驥雍
容冠冕垂衣裳瑠戈寶戟爭銛鉞撫畫變化誰頡
頏何震文彭宗子昂法趨簡易歸堂皇庶幾萬一
堪梯航織綺怪僻非康莊篆籀遺跡今渺茫秦璽

漢印畱吉光

秦明經躍龍

字山公歲貢生未能先生第三子春山先生之弟少以制義稱選本朝文約編家世戶誦嘗遊粵東爲山長粵東多士受業者至今猶奉其栗主於家詩有粵遊鶴峰等

舟次曉城

開府牙旗扼上游長江門戶望中收潯陽西接蕪黃火彭蠡南通章貢舟掃盡流氛聞唳鶴看他戲浪浴閒鷗吳頭楚尾空天塹殘照西風滿荻洲

梁溪詩鈔

卷三十七

三

邵明經之鵬

字上九號南池歲貢生徙園先生之子黃可亭云南池師學養邃密時藝淵古大令書法無忝右軍晚年造門請者幾於鐵葉裹限矣門人黃世則謹識

半樓居士自松携蓴歸邀同人賦之

豈必薄世味臨風憶蓴羹興發思吳淞荷衣易華纓張翰去千載誰復同此情逍遙浣花翁榮者都不櫻烟篷入三泖筠籃摘柔莖露氣含朝鮮爪甲生微馨傾筐付中厨聊佐醉月觥鮒鯉那可致鹽

詩 六湯登呼彼白雲侶香飯炊青精

趙布衣繼益

字武愚號惕閒止齋之兄同隱南里惕閒
著有而已集湖北遺草集中如梅風吹釣
艇竹露點僧衫佳句也以通體未稱逸之
述夢

江上羣峯合行人畏杜鵑林開山日月潮落渡頭
船雪裏春光泄雲中石磬傳隔溪誰倚杖疑隱復
疑仙

華桐川宏顯

梁溪詩鈔

卷三十七

三

字臣若號叔度象五之子著有桐川稿

抱疴不寐

寂莫真同退院僧百年蓬梗復何憑春風王粲依
江表秋雨相如病茂陵荒圃新花香入戶小窻叢
竹影窺鐙昨來夢落家山外蘆葦蕭蕭月滿罍

華韵濱三會

字允斌號韵濱緝亭先生之弟終身苦吟
人也遺藁散失無存登其流傳人口者一

絕云

重赴黔留別親友口號

三尺童孫七十身，重行萬里別交親。
蕭蕭白髮天涯遠，他日誰知華韻濱。

殷處士恂

字統揆，公貳之子也。

留別張太守

一長我愧南州榻，詩禮金椎琢大儒。
說項齒芬嗚下士，鑄顏模範藉洪鑪。
可堪鴻鴈驚魂夢，况復冰霜點鬢鬚。
明發扁舟便歸去，此行真不爲蓴鱸。

華秀才永

字世求，諸生居蕩口，占籍長洲，庠名二永。

梁溪詩鈔

卷三十七

三三

著有讓齋詩艸、口占詩、吳淞、嶺谷二永。

華和中以先生韵

築室湖水上，喜不聞剝啄。野花香襲衣，山蔬足果腹。
坐石看雲起，種松留鶴宿。庶以忘世慮，詎邀无妄福。
画成烹鳳團，詩就浮蟻綠。惟應素心人，相從訪高躅。

張處士鉞

字武南，處士盲於目，嗜吟詠，著有也二云詩。

趙徵士橐

三只燈花

變幻寧非造化功，聲聲漏箭玉丁東。從來不仗催
花雨，只是生憎落葉風。澗道向陽春早發，也知近
火萼能紅。莫將碁子輕敲下，多少繁華轉眼空。
昔
孫上舍整辭代其其其前幾句以疑誤得誤
其其其字駕山號嘯岩國子生著有映雪齋偶存
自嘆中流一壘沙
弱冠恣冥搜，意不在青紫。子史頗耽漁，邱索訂亥
豕。不畏二酉懸寧肯，一簣止三才。探靈源五行研
妙理，職官覈古今。人物識臧否，泛涉及韜鈴。微茫
辨星紀，自負經濟才。人謂寥廓士，無何大謬誤。神
梁溪詩鈔 卷三十七 三十四

形忽昏滓訂交俠，少塲誓別管城子。風雪携樽疊
晨昏，角廬雉或爲下賢歌。亦折幼輿齒，淪濡二十
年。樂此不爲恥，田園無一存。廬舍經四徙，課兒少
縹緲。養親缺甘旨，親串姍且憎。鄉曲笑而指，回頭
數舊遊。百中無一是，倏忽夢初覺。復擬鑽故紙，吞
刀可割腸。下帷自茲始，周處能自新。貴在劓斷耳
而我心慕之，精力非其比。前途修以長，病骨難振
起。蒲柳先秋凋，問年未應爾。性海今始澄，流光昔
何駛。真成井底蛙，還類道旁李。裏足羞見人，赧顏
莫速死。衰遲懷少壯，感嘆何能已。

雜感

荀卿亦有言天地無全功浮生寓宇內百歲良易窮方寸能幾何奚堪百憂攻憂多斲精魂瑤艸成枯蓬卧龍輔蜀漢識畧誰能同酬知任飢溺大星墮秋風閉戶亦可爲我思龐德公效供中意少慕猿公術捷若神龍旋尤愛莊周文意象超蹄筌尋與劇孟遊不爲禮法牽攜藉耗壯心彈指失盛年拯物謝弗能謀身尚茫然慵呈和氏璞恥着祖生鞭棄世世亦棄神往箕山巔

一事誇仲翔生平兩知己

謂亡友徐子覈川姚子栢菴

相見無

梁溪詩鈔

卷三十七

三五

寒喧辨論祇經史落穆交以心雷陳差可擬云胡歲龍蛇長臥俱不起兩君方盛年委形白楊裏念昔彌悲今豈僅失臂指血淚灑龍山腹痛過東里緬維平生歡譬若江帆駛登高左右望憂傷何時已琅邪王伯輿終當爲情死

歲暮杉泉偕余之廣陵冒雨放舟中道值風

雪阻淺阻米詩以自遣

稚孫剛卅角也解送登程歲稔鄉圍好家貧骨月輕崎嶇悲世路萍梗愧吾生扶病江都去難於蜀

道行

與周子葵心夜話
異鄉啼笑等蠅聲
路鬼挪揄未足驚
胡馬越禽遊子意
南箕北斗故人情
極知別後懷春樹
先怕樽前唱渭城
明日臨岐須痛飲
欲行惟有醉中行

淮城有感

莫向淮陰理釣緝
濁流無處覓纖鱗
何如暫袖持竿手
商略嚴灘與渭濱

濟寧劉蔚恒招飲卽席口占

神交曾不間山川
此日相逢各蹶然
置驛鄭莊多重客
校書劉向下真仙
清音豈厭琴三疊
痛飲能消酒十千
名畫法書看不盡
祇疑身在米家船

梁溪詩鈔

卷三十七

三十六

陶秀才履中

字叔和號卓亭諸生東籬翁子仲敦明經弟也叔和與兄俱以工制舉名一時而以餘事作詩初雍正間有詔舉茂異未堂侍御其族兄也稔其才將以其名上東籬翁曰賊夫人之子固辭叔和遂終守庭訓以老所著有養真詩艸

忍草菴夜坐答衡南

孤抱罕真契
獨來秋谷陰
文章知汝在
肝膽爲誰

深石屋寒煙集雲關野月沈浩歌情不盡終曉坐
空林

山風題護瀆李氏紫筠草堂圖

山泉百尺飛簷角空濛山翠當牕落蕭蕭紫玉立
千竿中有幽人久棲託草堂結構山之幽屋上青
山屋下流縹緲九峯掃朝黛灤泂一水橫清秋盤
根老樹半枯苑遠近參差非一色移舟谷口誰問
津款乃漁歌數聲出綺塍千畝足耕桑村舍溪橋
路渺茫連宵新雨漲山麓稻畦泱泱鳴陂塘黃冠
一笑輒相訪茗椀詩筒何跌宕興來寫作紫筠圖

梁溪詩鈔

卷三十七

三七

琳琅拂檻煙雲颺君不見出山遠志仍小艸紛紛
朝市何足道爭似君家護瀆濱溪山結伴常幽討

野庵靈巖

草色不可極微微香徑開美人誰復見落日一登
臺複嶺松風呼平湖秋水來浩歌天地澗山月照
吾杯中

山泉紫陽庵

山風吹雨散杖策一幽尋返照穿重壑飛花過別
林雲開松屋古竹暗石門深不見驂鸞客空庭下

野禽

夜集半園聽劉贊功彈琴

北風捲地寒夜長主人置酒臨高堂座中有客撫
焦尾令我僕御皆感傷悲音鬱鬱逐風起病鶴翻
翩飛不已噉如八月九月天坐我千山萬山裡先
生本是山中人曳裾恥向王侯門一貧獨有煙霞
癖五岳偏餐言笑新丈夫生世當自飭遭時龍虎
風雲翼不然抱璞蒼巖間誅茅躬耕理亦得安能
覲覲苦趨時呶訾慄慄而嚙魄學佛學仙非我事
越裳荷蘭私淑之曲高每嬰衆口啞俗不同調徒
見恤古人道在窮不憂琴乎琴乎何所詘嗟余寄
梁溪詩鈔

卷三十七

三

命江之沱十稔不足二十多有詩但爲乞食賦無
弦可奏薰風歌酒酣徃徃思一用久矣周公不入
夢石鐘湘瑟尚絕聞今乃得聞古雅頌從來妙手
不易尋如此好會夜復深請君爲我再一鼓一洗
偏側之煩襟七弦重響岩壑窈一闕未終天欲曉
清霜滿地列星稀庭樹啾啾動棲鳥

羅孫李髯寫山水

尺其尺天坐好千山萬山懸

松堂晝掩東風靜花放鶯啼日初永髯翁睡足潑
新茗坐對青山寫春影斯須尺幅吐崑崙蓬壺三
山一筆吞珠林玉竇烟雲温桃花流水漁人村此

時匠意得天巧羣峯沓壑元氣抱秋毫蟲鳥盡跳
踔神力所到無大小妙處有口不得傳但覺手敏
心自閑縱竭智慮焉可攀無乃有數存其間嗟我
團團驢走磨平生才拙眼空大老至轉勤南畝課
窮來但臥北窗餓今見老髯盡嗟峨懊誨精力虛
蹉跎青山滿眼不能往吁嗟老髯奈爾何

神施主政鼎

五刻有字龍文號立亭壬戌進士官陵縣知縣秩

滿候補主事丁母憂回籍服闋後請終養

亦遂以林下終焉卒年七十有三著六有

梁溪詩鈔卷三十七

三

齋稿

除草

迂疎常閉戶堦草蔓難圖雨過根堪拔身閒力自
輸折腰何太苦霑體未爲劬無那秋聲急寒蛩泣
向隅

朱秀才錦江

字懷祖諸生居邑之楊樹園嘗遊閩歸教
授鄉里弟子遊庠登科者甚衆也

題王中立印譜

入妙皆吾道雕蟲豈不然周黃寧小技秦漢未終

淫性拙偏宜古神來自任天青瑤問奇字真羨筆
如椽

上元山行卽事

山意已衝寒尋梅步履寬林禽驚笑語野犬吠衣
冠欲避傳柑飲先將刺字漫遙知燈市裏今夜滿
城看

受業 徐嵩 朗齋校

梁溪詩鈔

卷三十七

甲

08650

梁溪詩鈔三十七

